


續河南通志




漢書門類	
九〇七	號
一〇三	函
一〇三	架
三二	冊

內閣文庫	
九〇七	漢書門類
一〇三	函
一〇三	架
三二	冊

七十之二

內閣文庫	
番號	漢 9077
冊數	32 (27)
函號	292 112



續河南通志卷之七十

藝文志

淺草文庫

賦二

南都賦 有序

宋 王仲勇

王仲勇侍親客於宋十有餘年矣宋南都也山川城邑人物風俗禽獸草木博觀而窮覽麤得其凡焉因藉華陽先生渙上公子為問答以賦辭曰

華陽先生與渙上公子步於西山之隈環於竹圃之左曰美哉邈乎土地之沃人物之夥也公子喟然歎曰先生覩斯而已獨不聞往者之事與上自五帝中接三代下訖漢唐目擊而可知指陳而可喻請為先生言之於顯樂國在

睢之陽其地則宋其分則房夏豫周青秦碭漢梁帶以黍
邱之野包以闕伯之疆盟豬出其右汲水更其旁渙穀濊
雜膠涑逐黃縱橫馳騫源分派張過乎隕石之野經乎龍
邱之岡行乎釣臺之渚出乎穀城之塘上接大河通於銀
潢下達渦泗匯於淮湘溯澗潁潁森森洋洋漚灑灑淑滴
瀟湯湯若乃歷華里經洧陵乘襄塢陟貫城傍空桐而過
沙隨階鴻口而升橫亭伊高辛之帝子主大火而修祀鄙
葛伯之仇餉猗湯征之攸始嘉微子之啟封卒繼承於商
氏訪桐廬之兩門孰世遠而難記企蒙城之故邑懷漆園
之傲吏登北岡而遠瞰想橋公之德懿銘三鼎與征鉞曾
餘光之未墜仰子喬之颯馭世獨尙其邱墳臨繪水而徒

倚誦相如之高文闕雙廟之靈宇欽張許之威神忠義炳
乎日月世彌久而逾新英風激於萬代如想見乎其人觀
山川人物之舊纔得其凡而畧之僕固未能詳也若宮室
苑囿之盛池沼臺榭之廣侈美跨前光輝絕後惟梁孝王
有足稱者僕願繼其說而先生自覽其切焉漢有天下至
文而昌九族敦序帝室以光乃命子武俾侯於梁惟梁大
國城四十餘北限泰山之險西界高陽之墟禦備東南則
九州之輿區焉廣衍沃壤則天下之膏腴焉於是舍大梁
之故土卜睢陽之新都傍膠城而連屬起閣道以縈紆外
廣池洫內經郭郭陋九筵與百堵法上國之規模發水鼓
以始倡下節杵而和之流樂府而度曲豈餘音之獨遺於

是乃作曜華之宮擬阿房與靈光鬱正殿之嵒岨巍然起
乎中央散彤彩而浩汗復焯焯以煌煌驚虬龍於金楹乍
矯首以騰驤軒鸞翥於飛薨欲乘風而下翔歷太階之寶
砌駢璧瑛與玉璫光陸離而眩目足幾往而徜徉旁有曲
室後連洞房罅窳窳仰不見陽列方疏而散綺玉女睨
而悠颺又有宴閒之館實曰忘憂文章瀨博卓犖瑰奇者
萃乎其中貢以文鹿白鶴參以淶鄣細柳間以連璋沓璧
綴以清管弱絲東苑望園三百餘里鷄鶡鷓鴣山鵲野雉
守狗戴勝鳴鶴翡翠聲音相聞翱翔往來萬端鱗萃不可
勝紀其木則檉松榎柎楸梧柘檀欖檀木蘭栴櫟豫章華
楓翠槐古檜朱楊雲封霧鎖臨谷被岡其果則楮梨棗栗

素柰朱櫻紫棗來禽吳橘楚橙其草則蕙若蘭芷蘼蕪菰
龍杜蘅薪蕘江離芎藭庭蕉聳綠階藥翻紅糝以忘憂合
歡之嘉植雜以避暑延壽之芳叢芬芬馥馥蒙蒙芘芘其
竹則簣簣籥籥箏箏筠筠筍筍密篠布隴夾池檀欒菉葹
婀娜陸離露滋雪映風靡雲披於是乎複道連縣亘數千
步飛閣層樓動以百數一望平臺與離宮矚眇忘其何所
中有百靈煙嵐奇秀表以落猿之巖環以棲龍之岫既盤
紆以茈鬱亦映帶其左右面百尺之深潭瀨鳴玉之清溜
升望秦之峻嶺懷故關而回首維彼蠡臺在城之西勢千
仞而崛起豈終日之何躋攀未半而神悸意欲下而復迷
驚斗杓之頽逼頽霓鬣之下垂疑真仙之攸館非人寰之

所棲屹清冷之對峙復偃蹇以穹隆上憑范檻之崢嶸恍
忽不知其幾重下瞰清淵之澄徹金碧倒影乎其中旁接
鴈池綠淨漪連秋浪漲雨春波拍天鶴洲背其後鳧渚面
其前棹女謳而蕩槳漁人集而叩舷水禽則有鸕鷀鳩鴝
鴛鴦鷺鷥鷓鴣子鵠侶鳩儔翱翔翻翻載沉載浮既灑
潄而隨波暫飛鳴而驚舟水草則有蘆苧蘋莞蒹葭蒲蔣
白蘋綠荇芡實蓮房雨濯餘而增綠風披華而吐芳王臨
是國綽有餘閒思遊東苑縱獵乎其間於是乘雕玉之輿
馴黃裏之馬紛萬騎之徒驚千乘之駕服太阿之雄劍靡
彩虹之珠旂鳴和鸞以玲瓏翳羽蓋以葳蕤安國奉轡嚴
忌附輿扈從橫出並山之隅左許少右專諸依岡爲置因

川爲漁奮駭百獸電激雷驅搯雄螭蹙豪豬轉犀奔麟厲
廬轅游螭躡駟驢矢不妄發應聲而殊鋌不虛擲洞曾穿
鵠山殫谷盡孑然無餘於是梁王弭節而還容與委蛇徘徊
徇往來其樂未衰相與賓客復遊於鴈鷺之池登龍檻飛
鳳蓋釣錦鱗出文具七白鷗挂黃鶴鵠鴝下鸕鷀落薄暮
日斜俛仰極樂獲獸之多弋禽之衆子虛之所遺西賓之
所畧也馳騁少怠明日乃燕於平臺召相如延鄒枚綺席
列雕屏開膾猩脣炙豹胎酌金漿之酌觴縹玉之醅吹紫
鳳之簫擊靈鼉之鼓聆遼瀆之歌睇巴渝之舞又有邯鄲
曼姬燕代麗女輕祛靚粧綽約媚嫵明眸微睨色授神予
於是衆客皆醉頽然忘歸浩歌起舞獻壽考無疆之詩曰

君王淵穆德日躋間暇遊宴樂無涯願千秋兮萬歲常與
日月爭光輝先生曰噫公子何謂茲邪若公子所謂重耳
而輕目榮古而陋今膠以人物之陳迹炫以山川之舊經
又烏覩大宋之盛乎夫大宋之開基也肇自商邱大啟土
宇創洪圖而遺億代一帝統而超邃古萬國被德澤四夷
暢皇武西盪巴蜀東澹海濬北指幽薊南曜朱垠天乙七
十里而興王姬周三十世而卜宅曾何足云至於祥符之
際累盛而重熙增泰山之高禪梁父之基神祇安妥日星
光輝寶符瑞應萃乎斯時於是巡方寓幸毫社動天輅備
法駕海夷獻珍黃雲覆野就見百年存問鰥寡明壹法度
赦宥天下當是時也翠華迴馭龍旆載揚迺睠茲土如歸
故鄉觀紫氣於芒山辨白水於南陽灑翔鸞之神翰挾鴻
藻之天章於是建南京陪上國首諸夏作民極對列乎浚
郊相輝乎洛宅頒慶洞開歸德峻峙若閭閻之特闔連馭
娑與枏栝偉宮室之光明仰觚稜之神麗儉不至陋奢不
逾侈旁立原廟歸巖穹崇殿實有三一祖二宗顯文謨而
承武烈彌萬祀而無窮觀其英豪之域冠蓋相望元勳雋
老五姓實昌距睢陽之學舍溢誦聲以洋洋敬鄭公之碩
德仰文正之餘芳俯浪宕之舊渠迴伊洛之清流醜江吳
之漕粟浮寶鷁之千舟若乃昭仁崇禮迴鸞祥輝連闔帶
闔列隧通畿萬商千賈鱗集羽歸星布織麗山積瑰竒來
不可抑往不可羈南獠蠻而東獫狁紛大貝與明璣其軍

旅則棘門細柳連總百營馭以驍將厲以犀兵時以蒐獮之祭陣以魚麗之形扼一都之衝曾耀萬里之天聲其原野則田疇彌望不可計數浸以曜漁之源被以沃壤之土舉趾卽雲荷鋤迺雨芄芄離離禾麥稷黍其亭館內之則有流觸綠波檜陰四合照碧妙峯武備道接外之則有朝雨暮雲暖風殘月又有玉燭金鏤光華姝喜嘶馬落帆芳草柳枝之列聯觀光與望雲指中天之魏闕其池沼則東西二湖滟滟迢迢水澄似鏡波泛如潮窺馴鷺於別渚識海鴈於舊橋爾乃金魚分籥玉麟剖符輔弼耆德侍從鴻儒鎮撫東土保釐此都視先王之遺民愛風俗之安舒乘剽繁之多裕覺坐嘯而有餘陟高臺而環望悟神意之自如臨綠水而暫止疑放曠於江湖若予之所舉僅知其髣髴十分未得其一隅吾子徒聞孝王之遺風舊迹不覩大宋之豐功偉烈也徒詫梁國故墟之名不知藝祖興王之實也徒誇兔園之大鴈沼之廣不識原廟之尊帝宮之美也曜華故基鞠爲茂草孰若都城佳氣鬱與雲翔諸侯僭上游宴無度孰若天子巡狩動靜有常珍怪之玩竒木異卉孰若農夫之慶黍稷稻粱先生之言未終公子矍然若驚惘然若醒茫然若有所失者旣而幡然改曰鄙哉予乎嗟予舍近而取遠習迷而遂非其亦久矣先生博我以皇道宏我以王圻使數十年所眩曜釋焉無疑僕雖不敏請終身而誦之先生於是作歌以遺焉其辭曰翼翼神都皇

賣可南通志

祖起焉煌煌巍闕真人巡焉有睟其容三殿位焉於萬斯年天子明焉

嵩山二十四峰賦 有序

明曹璉

按白虎通云嵩山者中央之嶽獨加高字者以其居四方之中而又高且峻也故詩曰崧高維嶽峻極于天此之謂歟山有二十四峰曰青童黃蓋浮邱三鶴遇聖萬歲玉鏡獅子虎頭起雲鳳凰金壺華蓋元龜臥龍會仙子晉玉柱老翁玉人玉女獨秀積翠太白皆遠近齊高無低昂之態有凝重之勢誠非天下山川比余因駐節騁目乃并志其名於左方以自適奚敢擬諸古賦云其辭曰
維登封之堙墟當胚暉之正中聳高高之嶄絕屹千仞而

穹窿託扶輿以正基應房宿以曜空結根彌於崑崙直指超乎崆峒靄輪囷之繚繞迎羲馭之矐矐匪嗟峨之莫測抑迢遙之難窮控齊梁之渺渺襟河洛之溶溶俯首陽之隱隱超太行之重重回盤嶮巖奔突龍嵒峻極形於周雅配天始於唐封彼岱華霍恒之四嶽各分鎮於南北西東此則茲山之勝槩閱古今而獨雄也其為寶藏也則金砂之璀璨璞玉之璘璠表中原之異產充上國之奇珍其為靈蹤也則石室據其陽天池在其頂敵金利於少林闕瑤宮於真境其為品彙也則凡根芟之屬飛走之羣時涵時育以悴以榮超乎閬苑之蓊鬱甲乎靈囿之縱橫是雖博物之張華無以辨其類洽聞之郭璞曷能究其名也若夫

豐隆停震飛廉卷霧嵐光浮漢林影篩日班二十四峰之
駢羅脫瑤簪於螺髻肖迸筍之噴岍侔列戟之排立卓乎
彩筆書空而作軸儼乎元圭平水而初錫聳乎蟠蚪昂角
而崢嶸矯乎驚鵬垂翼而奮擊高低起伏遠近穠麗鄙羅
浮三百里之磅礴陋武夷五千丈之崒嶽彼巫峯之十二
匡廬之五老又奚可比而儔擬而匹也余嘗駕天風遊玉
柱訪青童攀玉女尋子晉之竒蹤步老翁之幽趾捫虎頭
而舒嘯憩黃蓋而徙倚而玉鏡之光芒盼三鶴之軒翥過
遇聖兮浮邱躡元龜兮如砥駭臥龍兮起雲間跨獅子兮
會仙侶覽鳳凰兮離離灑金壺兮墨泚瞻華蓋兮亭亭呼
萬歲兮鼓舞挹玉人太白兮悵望眺積翠獨秀兮延竚已
而夕陽隱映而銜山歸鳥喧囂而投林蒼狗蹶蹶而四塞
蟠蝮泯沒而曳陰麋鹿相牽而呼友猿狖聚嘯而長吟螻
蛄噪而嗚咽於菟噪而蕭森斯時也余亦慄然而懼悚然
而驚矯回首於盤谷邁一老而便輕冠高冠之岌業佩長
佩之琮琤質銷鑠而綽約神杳眇而粹精歷元冥之微徑
乘閒維而上征視倏忽而愈遠超寥廓於無聲欲從之而
不可得乃托長歌而放情歌曰嵩山之谷兮虛明嵩山之
泉兮澄清泉澄清兮可濯纓谷虛明兮彷彿蓬瀛追仙翁
而邈乎難及兮聊徜徉而尋盟載歌曰嵩之山兮儲英嵩
之神兮效靈神效靈兮海宇平山儲英兮俊駢生吾知申
甫其復出兮又將爲之後徵

嵩山賦 有序

明 劉 咸

五嶽惟嵩居天地之中而其峰巒之秀偉亦非他山可及故古今騷人墨客徃徃見之歌詠余不自揣亦掇拾其餘意而爲之賦辭曰

繫山阜之停峙均胚腴於元黃諒凝形之有異故奠位而不常維高高之爲嶽獨穹窿而直方雖同列於上下實尊處乎中央右襟帶乎河洛左控制乎齊梁前屏列乎崆峒後幃幃乎太行彼泰華衡恒之四鎮各東西南北於一方茲蓋造化者自然之工巧俾其與天地同一久長夫豈若尋常之培塿而屑屑然與羣山較利於毫芒也哉觀其元氣淋漓靈根盤結磅礴縈紆巖嶽嶽嶽質厚重而不遷勢

蜿蜒而聯接量含洪而有容神昭貺而莫測萬象翕歛兮森羅四時光景兮明滅熒熒大士之瑞芝森森將軍之封柏猗猗九節之萑蒲燦燦三花之貝葉彼四萬八千丈之天台固僅能方其太室之三尖而根盤五百里之匡廬曾何足抵其少室之數疊若乃時和景霽天高氣清風生鶴唳口出雞鳴霞彩凝兮錦繡錯嵐光蕩兮圖畫呈於斯時也凌絕巔履峻嶒恍兮惚兮蓋不知夫此身之在人世而別有所謂崑崙之與蓬瀛也其或月暈星藏煙霏霧暗陽鳥匿影虹霓橫漢轟雷霆兮一聲分晴雨兮山半於斯時也挾天風遊汗漫窈兮闕兮亦不知夫此世之在人寰而又有所謂青城之與赤岸也雖然此特其朝暮陰霽之常

態而未覩其倏忽變化之形容苟欲究其所以則雖智者亦莫得而窮彼其兩室諸峰層出叠起不參不差無偏無倚在少室者三十有六在太室者二十有四或率律而崔嵬或秀偉而妍媚或迤邐而婆娑或隱約而虧蔽或羅列如兒孫或比肩如兄弟或尊嚴如父師或卑猥如媵婢或蕭散如神人或俊拔如豪士或如蛟走而蚪蟠或如牛眠而馬駛或如理木之連枝或如芙蓉之並蒂或如舟楫之浮空或如兵車之趨市或如忠臣之赤心或如豔姬之高髻矯矯兮如飛而翔飄飄兮如行而止于于兮如醉而醒怡怡兮如悲而喜凡茲山之奇勝所可愛者如此然不指而稱焉則亦莫能默而識之矣故夫青童太白子晉浮邱

玉人玉女會仙虎頭老翁遇聖兮相向黃蓋華蓋兮叠稠鳳凰鳴陽獅子號秋玉柱壁立玉鏡光浮三鶴積翠兮排闥萬歲獨秀兮凝眸臥龍起雲兮淨如洗金壺元龜兮翠欲流此則太室勝槩之奇而天下之爲峰者莫得而侔也若夫東朝嶽祠西望洛邑白雲連天紫霄凝碧鉢盂丹砂之可觀香爐檀香之堪挹羅漢寶勝之可尋七佛靈隱之難覓太陽少陽之巍峩石城石筍之屹立紫薇兮藥堂寶柱兮瓊壁來仙卓劍兮孤高翠華繫馬兮峻極紫蓋迎霞兮如丹玉華白道兮如璧明月清涼瑞應天德白虎留形金牛見迹此則少室勝槩之奇而天下之爲峰者又孰能與之敵邪又如琳宮梵宇佛洞仙巖蝌蚪出而書見菌苔

發而霜寒龍潭隱靈物兮潛處天池通聖水兮潺湲歷代
尊禪則有封祀之壇往來經行則有輾轅之關凡若斯之
歷歷皆可考而班班者也至若名傳於今事出於古測景
定於周公化石由於啟母御筆書於則天金蠶築於漢武
隱有棄瓢之許由廉有洗耳之巢父道有奕碁之八仙佛
有面壁之一祖出而重於世也又有索價之山人居而莫
知其向也又有擣帛之仙女其他奇蹤粲然可數既不暇
於緝推亦無能爲之悉舉也嗟夫拳石無情與時屯亨况
非逢千載之景運抑安能得夫一時之謚寧惟聖皇之在
上屢賜寵而錫榮崇嘉號兮以禮尊祀典兮以誠故嵩之
德以之而益著嵩之神由之而益靈自茲以往吾知太嶽
之儲精必降申甫而駢生於以列乎屏翰於以充乎帝庭
俾海宇之臣子咸永樂於昇平而吾又當秉霜臺之白筆
以專紀夫三呼之頌聲也

良嶽賦

國朝 劉青藜


維大梁之西北兮何坡陀之纍纍睹榛莽之蕭條兮悵瓦
礫之迷離試極目於四陬兮杳空曠而無涯問結構於何
代兮云宋嶽之故基豈盛衰之無常兮亦窮侈之匪宜彼
阿房與西苑兮同一轍而又誰悲吾聞茲嶽厥有由興靖
國之初怠荒未乘羣小熒聽元祐追懲蔡京童貫接跡附
蠅雕琢御器鏤金刻藤牙角犀玉掛空峻嶒玩好旣獻花
木繼登黃楊三本逞媚矜能父冲酌子羽翼騫騰於是應

奉領局花石置綱舳艫千里車輦萬方虎穴龍淵墜繩穿
芒靈璧大湖慈溪武康登萊諸石爛熳琳琅浙花閩果玉
藥瓊漿椰實南海斑竹三湘水載則鮫人負舟河伯蕩槩
陸運則墮城鑿郭填谷夷隍搜剔披挾花妖石殃麕至麟
集照耀巖廊至於南越翡翠丹山鸞鳳西旅巨葵犬戎白
狼文禽奇獸綏甸要荒上天下地網羅畢張又其不可殫
述者也茲乃珍怪駢臻土木聿倡拱宸門外大波中央延
福屹立金碧輝煌池海泉湖鹿砦鶴莊五位六位跨城疊
梁而直接乎景龍江旁斯亦巧奪天工麗羞雲縠九洲三
島固能方其縹緲蜃樓海市莫或肖其參差矣爾乃因緣
法符卜地興築象鳳凰於餘杭傍道宮於寶籙初錫名曰

萬歲後乃更爲良嶽經始於政和七年之暮歲告成於宣
和四年之冬朔中更重和之二載歷數寒暑而經六若夫
方幅則十里徑圍崇卑則九十步數高峯巉巖介亭矗矗
二嶺界劃迤邐南麓左挾雙亭蕭森極目右則麗雲如拱
如蹴蜂房水渦倏斷倏續其北則景龍江水逆流倒注濺
浪噴沫側穿曲赴漱瓊軒西丹觀忽遇高陽清澗憑欄在
顧北岸亭臺星羅碁布勝筠飛岑蕭閒列圃山莊回溪支
流成聚其東則館別仙書堂綴萼綠紫石棲真巖磴標目
龍吟覽秀接翅聯躅其南則壽山兩峯並峙交暉如華分
掌如鼎列足嚙亭俯眺雁池凝淥其西則西莊藥寮巢雲
濯龍亭峽參錯羅漢巖東又西則樓有倚翠嶺有萬松上

下兩關門戶重重下臨大沼梅渚蘆洲浮陽雪浪橫駕龍
湫俄而鳳雁分派亭館清幽三秀揮雪環山碧流磴道盤
回旋上峯頭若夫南山既盡小山轉營橫亘三里芙蓉名
城簇錦疊繡曲檻飛甍而且瑤華遺墟曲江是圖一碧萬
頃堂曰蓬壺東盡封邱之門西達天波之橋岸轉水曲滌
洄迢迢南過閭闔帝姬宅通北折五里而屬於龍德之宮
此則良嶽之大槩也於是寰海所植窮年所構鬼輸神工
點綴山岫爾乃駕玉輅導龍幡徑複道夾名媛聽若雷轟
望若雲屯時升時降爰趨爰奔乃登茲嶽娛日消魂百花
含笑羣鳥競翻巖壑秀吐池水珠噴於時則有諧臣媚子
倡優侏儒短衫窄袴青抹紅塗淫媠謔浪買笑博娛白晝

遊戲則魯陽麾日中宵縱飲則長庚歡醕大晟奏而天鈞
失聲銀燭燦而蜃蟾羞明意謂此時樂莫如矣未幾而珠
簾雨捲畫棟雲飛五國不返二龍何依草荒別殿鼠竄朱
扉彼六載之締造億萬之珠璣百年之府庫四海之怨誹
僅餘二三之士邱啼寒鴉而慘落暉噫嘻吁當夫夾馬呈
祥黃袍創業傳國八代金甌無缺戶口甲於隋唐金玉盈
於沙礫筆墨勁於龍虎繪畫飛乎羽翮既繼體於承平且
聰明於天錫方其九鼎告鑄八寶成功降天神於玉津翔
寶蓋於青童艷雲象於星月造玉清之魏宮妙號頌於方
士道君假乎太霄金芝獻瑞於壽峯巨石勒功於峒堯方
且謂招王母之青鸞餐海上之碧桃駕赤螭而吹鳳笙永




河山而壽松喬故日食星變不足動其心黑青野狐不足
警其惡批鱗逆耳不足解其惑敵國外患不足滅其樂迨
至天命既厭人心靡託雖頒罪已之詔而豈有還魂之藥
哉嗟夫宇宙大器天命靡常有德者興無德者亡安樂者
驕佚之媒侈泰者盜賊之鄉珠玉者草萊之藪臺榭者干
戈之場君子者砭石之資小人者鴆毒之囊彼宋徽之失
德實僉王之鼓簧既邪正之不分亦何解於顛僵是以茅
茨土階傳於陶唐稟朽御馬訓自夏皇漢文惜百金之費
宋祖毀八寶之牀恭儉雖由主德匡弼亦賴臣良幸躬逢
於盛代聊致慨於前王

淮水賦

國朝 湯然 睢州

鳥巢先生游於上國舍於亭長亭長不憚逡巡而進
日蓋聞天分市垣地界南北包育陰陽渾藏太極故
湯池東海秦齊表為瑰異之區震澤洞庭荆吳侈為
富庶之國若先生之鄉夙號睢水不臚四瀆之名奚
翅一勺之比廣遜彭蠡既無浩瀚之觀巨慚滄溟寧
抱委輸之技顧乃圖書紀載歌咏流傳鋪張揚厲競
爽爭妍得毋名實之不相副而見聞之或固一偏耶
先生有睟其容輒然而笑曰固矣哉吾子之言夫未
聞雲門咸池之奏而謂世盡瓦缶無鈞天之響者此
充耳之臆測也未睹王媪西子之容而謂世類雙糜
無傾國之色者此盲瞽之鮮識也物以用為尚品以



貴而極吾子其願聞睢水之大畧乎是水也俯徐淮
扼汴洛距大河控古亳鎮陳留之左輔跨睢陽之右
權誠中天之咽喉實都會之鎖鑰溯春秋之茅封洎
唐宋而繡錯相川原兮鞏固歷萬祀兮如昨爾迺蜿
蜒縱橫脉絡分明葭蕩近受泗水遙迎沙噴淤漲浪
恬波平隱見以時類智者之養晦紆徐合度肖志士
之無爭質非染而文成五色流不競而縠縵一泓豈
雨霽虹橋射天光之熠燿抑餘霞散綺吐氣象之崢
嶸要皆靈淑鍾毓太和鼓盪磅礴瀾淪勿可名象又
何必千頃澎湃萬里沆漭也哉於是琪林蔽谷瑤草
覆陂杜蘅蔚蔚宿莽披離抱駝岡之蒼翠環恒峰之

嶽崎金鎖周遭勢滌洄而不斷襄臺喘嶼影沉酒而
乍低自西而來者更有渙水爲之助復乃逶迤漫衍
源遠流長而莫測所之爰有鴛鴦畫鳴鳧鳧夕
鷺對舞鴻雁齊飛羣唼萍而渚宿其陶藻而葉棲並
蔣綠而瀾光冶芰荷香而水氣微網集澄潭久普漁
人之利波漂苴實堪慰季女之飢顧茲膚末景物瑣
細魚鳥猶未盡斯水之能事曾何足動人之慕思若
乃地儲文章材爛組績潔比冰綃光奪珠貝陋窮海
之人貢望君門而獻瑞炫黼黻於明堂爛山龍之炳
蔚青州之屨絲徒陳衡陽之元纁孰倍當其彩縷晨
織鳴梭夜聞濯從錦浪曝向秋曛燦霞光於鮫室綴

縟藻於卿雲筐篚盛來絲絲浮蜃樓之色天庭捧去
 片片生仙島之春宮娥入手而璀璨尚衣啟笥而氤
 氲奏假郊廟式承御服嚮嚮皇皇雍雍肅肅治萬國
 於垂裳迓天休于端穆匹鼎彝之焜煌配圭瓚之離
 陸亮斯水之效靈邁百川而稱獨故左思作賦不能
 忘情於襄邑而杜甫遊睢致勞夢憶之往復也彼夫
 九江五湖七澤三湘狀殊詭譎勢極汪洋風腥鼉窟
 霧暝蝦莊晴空捲雪白日凝霜蠹以樓艫貫以舟航
 飛甍映堞而標舉畫檻沿流而翼張錦纜牽時縹緲
 烟雲護羅綺牙檣啟處啁啾空翠奏笙簧允屬區宇
 之壯麗祇湖山之徜徉縱產息殷繁都邑富庶

天子

天子巡幸中州賦謹序

國朝 衛哲治 濟源人

聖天子御宇之十有五年仁恩周至人民協和朝野中外
 靡不咸寧教化流行海隅日出皆成鄒魯溯三代以
 至唐虞斯為極盛漢唐以降不足稱焉然猶視民如

傷居

法宮而憂閭閻

特行巡狩

清問下民今年仲秋

臨幸河洛

大輅所至黎元晏然老幼歡欣如瞻父母臣中州人也

候代南邦獲奉

恩旨迎

駕里門曷勝榮幸之至臣誠歡誠忭稽首頓首而獻斯賦

辭曰

昔者重華受命夙夜惟寅在璣衡禮百神四岳觀五

瑞頌厥歲四仲帝乃時巡久矣夫飛龍在天不遑寧

居而勤恤乎斯民先聖是恪後聖尤虔我

皇上踐祚以來浩蕩鴻恩溢於下土不識不知式歌且舞

民方忘

帝力而鑿井耕田

帝則儆民咨於祁寒暑雨

鑿輿鏘鏘禮樂具舉東岱西華榮光孔昭慶斯惠行如

天斯溥爾迺江流南北湖岸西東遐瞻迤聽願樂景

從黃髮扶鳩偃而欲躍黔首輟耒延頸顙頤臣民望

幸援

聖祖仁皇帝南巡大典以入奏而

德化百通志 卷之十一
皇帝曰少需母遽予一人方有事於天中蓋中州爲古聖
賢之所薈萃而朕將稅駕乎嵩峯我

皇上之愛育羣黎也一歲不見懼饑溺以罹之一日聿至
又虞有繇役以羈之迺下

明詔宣

皇慈遣

天使遍郊圻曰朕當至母爾驅馳爾永爾蠶爾工爾賈
爾士爾女爾職爾治朕將觀爾爾勤母嬉於是歲維
庚午涓吉迺行和仲滌暑少昊供清雨師沉灑風伯
先征造父奉策天駟按程

五輅雲發萬騎騰騰期門攸飛翼翼兢兢

天子迺臨日幾出天莊左碣石右太行逍遙容與穆穆
皇旌旂孳麗若鳳鳥于飛百禽爲之先後和鈴飄揚
若天帝作樂霄漢爲之鏗鏘田疇組繡禾稼馨薌川
迴環以迎合山植璧以肅將於斯時也閩郡涉縣其
塗千里兄日姊月昕夕勤護乎

金輿畢雨箕風脅息不侵乎

玉趾

帳殿之零露成甘砥道之氛埃如洗
六飛所過草莽安堵而不知七驂所臨芻豢中宵而自
理野花疊芻百歲之老穹鮐背而望

天容秋柳披帷千村之童哆黃口而知色喜美矣哉

上下之交大矣哉

恩膏未已至於雞鳴盥漱

問寢心勞玉食和調

色養愉婉視聽不待夫形聲

教誠每趨夫

龍袞

慈顏天覆生萬民有萬物皆效

恩勤

孝思海深祝九如稱五福潛流口吻八方之壽域方開

萬歲之元子惟謹愚氓於是以觀型比戶皆隆夫洗腆惟

我

皇之豫遊實大化之標準迺若

翠華之涖於兩河也中嶽玉立以呼三元龜文騰而戴

九崕峒訪道詢逸事於軒皇龍馬被圖探靈跡於羲

后舜禹流連乎河洛之墟周召經營乎京都之構淇

園綠竹銜流君子之風伊洛淵源宋振儒家之秀臺

經造字碧蘚皆香閣貯春風花光如繡帝嚳致治之

跡堪尋周王尊賢之築猶舊惟我

皇上亶聰明而作元后集千聖之大成天行偕健地勢永

寧

省方問俗冠月衣星

念中州乃日月風雨之所和會而中央猶東西南朔之有

腹心元圭錫大寶於文命堪輿荷明德以承平繼自
今四氣均調恒名玉燭萬方樂利咸慶豐盈若迺縉
紳耆老緣延衢路主伯亞旅鼓舞茅茨和氣所翔蔚
爲霞起歡聲所播浩若風馳方岳之臣黽皇將事守
令之吏惕厲專司穎粟交垂於畛畷食貨屯峙於莊
達鳴雞吠犬震

天威而雌伏郵筒驛騎赴

王事以雄飛山川效珍而吐瑞魚鳥歌林而舞池夫惟忠
愛之忱民皆有性瞻依之樂物亦多情解愠阜財無
俟薰風之奏鳳來獸率何必簫韶之成

聖人之爲人子止於孝

聖人之爲人君止於仁被

上治者方且與父言恩與子言慕頌

至德者宜其不翼而舉不脛而行兩階干羽蠢爾川蠻心
革百年禮樂藹然中土風清臣生於沈水之濱學於

王屋之麓家守素風地仍樸俗未通墳典蘊首衡門
已列章縫升名太學遂宰下邑深媿烹鮮漸陟崇班
殊虞覆餗顧薄才無所短長苟

湛恩如斯優渥願竭平生滴水無增於滄海將輸智力輕
埃奚益於泰山鄉名賢邵程之風景行莫逮里先達
韓富之業喬木難攀恪供職守於茲南服恭迎

仙蹕下駐三川駘駟載奔欣承御事之轡康衢屢舞喜

沐屬車之塵身來千里之外心遂百官之間祝擬華
封庶幾芹曝之志言慙倚馬用希葵藿之誠

鳳藻炳耀於鎮星曾非劍氣

龍光氤氳乎伊闕匪特棠陰將以配圖書而尊爲經訓詎
止並泥檢而勒以玉金蓋自有虞氏之君臣禮制尙
有所未備而我

朝經天緯地

神聖之述作能兼不然天生岳以鎮域中得四已足地分
方而判民俗卽五可鐫何爲乎視三公而崇望祀彌
重靈山位五行而爰稼穡萬物尤惟母是瞻也哉敢
作頌曰維

皇建極疇九惟中歛五錫庶萬方攸同維

皇巡狩峻極惟嵩黃帝執繩百祿斯崇以酌我

皇懋德懋功蕩蕩

帝德覆載靡窮高深河岳瓌細昆蟲育以

帝心鴻纖函容

帝心如何允執厥中至誠廣運瀕洞鴻濛維

帝之功無中無外日月所經霜露所逮

皇輿非小乾坤非大農桑畜牧人各自愛山海梯航靡有
疆界景星慶雲醴泉瑤草德峻功崇文章肇造損益
百王光被四表典謨律度雅頌奧窔

帝譔其精昭垂王道

續河南通志卷之七十終

續河南通志卷之七十一

藝文志

詩一 五言古

與諸君遊濟瀆泛舟

唐李頎

濟水出王屋其源來不窮
 沃泉數眼沸平地流清通皇帝
 崇祀典詔書視三公分官禱靈廟
 奠璧沉河宮神應每如
 答松篁氣葱蘢蒼螭送飛雨
 赤鯉噴回風酌酒布瑤席吹
 簫下玉童元真掌陰事祝史告年豐
 百谷趨潭底三光懸
 鏡中深淺露沙石蘋藻生虛空
 晚景臨流美亭臯輕靄紅
 晴山傍舟楫白鷺驚絲桐我本家
 潁北出門見維嵩焉知
 崧峯外猶有天壇東左手正接離
 浩歌盼青穹夸猶傲清

吏偃仰狎漁翁對此川上閑非君誰與同霜凝遠村渚月
淨蒹葭叢茲境信難遇爲歡殊未終淹留悵言別煙嶼夕
微濛

經函谷關

唐 韋應物

洪河絕山根單軌出其側萬古爲要樞往來何時息秦皇
旣恃險海內被吞食及嗣同覆顛咽喉莫能塞炎靈詎西
駕婁子非經國徒欲扼諸侯不知恢至德聖朝及天寶豺
虎起東北下沉戰死魂上結窮寃色古今雖共守成敗良
可識藩屏無俊賢金湯獨何力馳車一登眺感慨中自惻

鄴城懷古

唐 孟雲卿

朝發淇水南將尋北燕路魏家舊城闕寥落無人住伊昔
天地屯曹公獨中據羣臣皆北面白日忽西暮三臺竟寂
寥萬世難長固雄豪安在哉衰草霑霜露崔嵬長河北尚
想應劉墓古樹藏龍蛇荒茅伏狐兔永懷故池館數子連
章句逸興驅山河雄詞變雲霧我行覩遺跡精爽如相遇
斗酒將酌君悲風白楊樹

弔比干墓

唐 孟郊

殷辛帝天下厭爲天下尊乾綱旣一斷賢愚無二門佞是
福身本忠是喪已源餓虎不食子人無骨肉恩日影不入
地下埋寃死魂有骨不爲土應作直木根今來過此鄉下
馬弔此墳靜念君臣間有道誰敢論

硤石遇雨宴前主簿從兄子英宅

唐 劉長卿

縣城蒼翠裡客路兩岸開
破石雲漠漠東風吹雨來
吾兄此為吏薄宦知無媒
方寸抱秦鏡聲名傳楚材
折腰五斗間僂俛隨塵埃
秩滿少餘俸家貧仍散財
誰言次東道暫豫傾金罍
雖欲少留此其如歸限催

晚秋鄖城夜會聯句

唐韓愈李正封

從軍古云樂談笑青油幕
燈明夜觀棋月暗秋城柝
客方寂歷驚烏時落泊語
闌壯氣衰酒醒寒砧作
貴陳力羹凶匪兼弱百牢犒
輿師千戶賺首惡
論兵末暮不輕諾徒然感恩意
誰復論勲爵
多士被沾汚小羹施毒蠱
何當鑄劍戟相與歸臺閣
室婦嘆鳴鸛家人祝喜鵲
終朝考著龜何日親烝祔
閒使斷津梁

軍索林薄紅塵羽書靖大水沙囊涸
銘山子所工插羽

余何忤未足煩刀俎祇應輸管鑰
雨矢逐天狼電矛驅

海若靈誅固無蹤力戰誰敢却
我我雲梯翔赫赫火箭

著連空隕雉堞照夜焚城郭
軍門宣一令廟算建三畧

雷鼓揭千槍浮橋交萬筏
蹂野馬雲騰映原旗火鑠疲

氓墜將拯殘凶狂可縛
摧鋒若驅兕超乘如猱獲逢掖


服翻慚曼胡纓可愕
星殞聞雉雉師興隨唳鶴虎豹貪

犬羊鷹鷂憎鳥雀
燒陂除積聚灌壘失依託憑軾論昏

迷執及征暴虐
倉空戰卒饑月黑探兵錯兇徒更蹈藉

逆族相啗嚼
軸轡亘淮泗旆旌連夏鄂大野縱氐羌長

河浴駟駘
東西競角逐遠近施矰繳人怨童聚謠天殃



鬼行瘡愈漢刑支郡黜周制閑田削侯社退無功鬼薪懲

不恪正封余雖司斧鑕情本向邱壑且待獻俘囚終當反耕

獲愈藁街陳鈇鉞桃塞興錢鋪地理畫封疆天文掃寥廓

正天子憫瘡痍將軍禁鹵掠策勲封龍額煇獸獲麟脚愈

詰誅敬王怒給復哀人瘼澤髮解兜牟醜顏傾鑿落正安

存惟恐晚洗雪不論昨暮鳥已安巢春蠶看滿箔愈聲名

動朝闕光寵耀京洛旁午降絲綸中堅擁鼓鐸正客坐列

朱翠高門塗粉虻跋朝賀書飛塞路歸較躍愈魏闕橫雲

漢秦關束岩粵拜迎羅囊鞬問遺結囊橐正江淮永清晏

宇宙重開拓是日號昇平此年名作噩愈洪赦方下究武

飈亦旁魄南據定蠻陬北征空朔漠正儒生愜教化武士

猛刺斫吾想兩優游他人雙落莫愈印從負鼎佩門為登

壇鑿再入更顯嚴九遷彌審諤正賓筵盡狐趙導騎多衛

霍國史擅芬芳宮娃分綽約愈丹掖列鸛鷺洪鑪衣狐貉

摛文揮月毫講劍淬霜鏑正命衣備藻火賜樂兼拊搏兩

廂鋪攬瑜五鼎調芍藥愈帶垂蒼玉佩轡蹙黃金絡誘接

謂登龍趨馳狀傾藿正青娥翳長袖紅頰吹鳴籥儻不忍

辛勤何由恣歡譁愈惟當早富貴豈得楚寂寞但知雇笑

金仍祈却老藥正封歿廟配罇葶生堂合馨罇安行庇松篁

高卧枕莞蕩愈洗沐恣蘭芷割烹厭脾臄喜顏非忸怩達

志無隕獲正封詠諧酒席展慷慨戎裝著斬馬祭旗纛包羔

禮芒屨愈山多離隱豹野有求仲蠖推選閱羣材薦延搜

一鶚正封左右共諂譽親交獻諛喙名聲載掄揚權勢實熏

灼愈道舊生感激當歌發酬酢羣孫輕綺紈下客豐醴酪

正封窮天貢琛異市海賜酺醪作樂鼓還槌從禽弓始彊愈

取歡移日飲求勝通宵博五白氣爭呼六奇心運度正封恩

澤誠布獲器頑已簫勺告誠上云亭考古垂矩矱愈前堂

清夜吹東第良辰酌池蓮折秋房院竹翻夏籜正封五符朝

恒岱三畝宿楊柞農書乍討論馬法長懸格愈雪下收新

息陽生過京索爾牛時寢訛我僕或歌号正封帝載彌天地

臣辭劣螢爚為詩安能詳庶用存糟粕愈

協忠廟

宋梅堯臣

八月過宋都泊舟雙廟側永懷此忠良遺烈傳碑刻五位

儼朝裾千年同血食當時多苟生貴爵曾誰識縱令有邱

墳都已荒荆棘古人非輕死於義實罕得英骨化埃塵令

名同鳥翼飛翔出後世景慕無終極豈若目前榮未沒聲

已息西登孝王城王氣由邦國

畫錦堂

宋韓琦

古人之富貴欲歸本郡縣譬若衣錦遊白晝自光綯不則

如夜行雖麗胡由見事累載方册今復著俚諺或紆太守

章或擁使者傳歌樵忘故窮滌器掩前賤所得快恩仇愛

惡任矯狷茲余來舊邦意在弗矜衒以疾而量力懼莫稱

方面抗表納全節假守冀鄉便帝曰其汝俞建纛往臨殿

行路不云非觀嘆溢郊甸病軀諸少休先隴遂完繕歲時

存父母伏臘潔清薦恩榮孰與偕衰劣愧獨擅公餘新此
堂夫豈事飲燕亦非張美名輕薄詫紳弁重祿許安閑觀
已嘗兢戰庶亦視題榜則念報主眷汝報能何為進道確
無倦忠義聳大節匪石烏可轉雖前有鼎鑊縱死誓不變
丹誠難悉陳感泣對筆硯

朱亥墓

宋蘇軾

昔日朱公子雄豪不可追今來遊故國大塚稱屠兒平日
輕公相千載棄如遺梁人不好事名字寄當時魯史盜齊
豹求名復誰知慎勿怨世俗獨不遭仲尼

麥粥店

宋蘇軾

朔野方赤地河壩但黃塵秋霖暗豆莢夏旱暉麥人逆旅
唱晨粥行庖得時珍青斑照七箸脆响鳴牙齧玉食謝故
吏風餐便逐臣飄零竟何適浩蕩寄此身爭勸加飲食實
無負吏民何當萬里客歸及三年新

獨樂園

宋蘇軾

青山在屋上流水在屋下中有五畝園花竹秀而野花香
襲杖屨竹色侵盃斝樽酒樂餘春棋局消長夏洛陽名士
多風俗猶爾雅先生卧不出冠蓋傾洛社雖云與眾樂中
有獨樂者才全德不形所貴知我寡先生獨何事四海望
陶冶兒童誦君實走卒知司馬持此欲安歸造物不我舍
名聲逐我輩此病天所赭撫掌笑先生年來效喑啞

潁谷封人廟

金元好問

洩洩潁谷雲灑灑潁川水封人去我久水雲自清美人言
君善諫微意得鄭子特於悔悟時一語發天理大孝動天
地土苴及頑鄙反身而未誠善諫且敗矣如何千歲下乃
與茅焦比我行潁川道永念負甘旨願作潁尾魴因之日
千里

史烈女

明 李夢陽

史烈女記史氏之女也未嫁而死其夫是踰禮以
守信破俗而成仁者也李子曰史氏女有激俗之
功焉然予聞其
言矣於是乎述

梨花如雪霜鴛鴦不成雙我心明如鏡我心清似水鏡明
有塵時水覆無收理古昔華山畿行人下馬拜春風兩峽
蝶綠草搖衣帶

望仙臺

明 李夢陽

昔有河上公結廬蓬蒿下萬乘時一顧旌旗蔽原野手執
玉如意顏貌何瀟灑曳裾授道經談天妙無窮清光耀白
日四海高其風言既忽不見縱身躡星虹鳳凰棲梧桐鷄
雀巢寒蓬饑鳶嚇腐鼠笑殺高飛鴻物固有如此何必較
愚蒙

過修武有感

明 王世貞

淮陰下廣武張耳佐其師全趙俱脅息強燕自風披忽逢
龍準使赤節艷朝暉斥易兩雄帥脫若提嬰兒剪楚朝奏
勲夕乃失臨淄所以雲夢遊遂成曲逆奇蒯武豈不臧帶
礪乃吾欺純心奉一主加罪寧乏辭九族為君盡千載令

人疑

十二子詩

明李濂

吾聞孫公和昔隱蘇門山土窟深幾許容此神龍蟠沉冥

豈絕物緘默聊自全何以舒曠抱引吭綠雲間孫處士登

虛白湖海豪共城實桑梓三十蚤挂冠玩弄百泉水洋洋

可樂饑混混是取爾以茲忘歲年吟嘯暮山紫林評事舍

挺之懷寶徒攝令在山縣聞有苦心人讀書歲華晏夜半

來叩門秘旨授無倦絕學良在茲先天有真見李之才

堯夫有哲父徙家慕公和誨子成大賢百泉結行窩躬爨

隱誠樂覃思悟良多百代仰元範蘇門高差峩邵先生雍

為國師爨倫賴扶植至今共城西雲霞猶動色許文正

雪齋任道器棄官棲雲門墾田數百畝復修二水輪尚友

古聖賢鳴琴衛川濱一言止屠戮孰能如其仁姚文獻樞

卓哉牧菴子少依雪齋翁講道蘇門下師友相磨礱四海

仰家學聲聞一何隆文章直名士真有西漢風姚文公燧

蒙古承宋運建國崇儒英求賢三十載得一竇漢卿豹隱

此山曲旭夕姚許并麗澤有深益千古馳休聲竇學士默

鹿菴氣骯髒朝論稱古直屬文造冲粹運筆萬鈞力始師

麻徵君出藍更青色我來筠谿遊為君一憑軾王內翰磐

老臣愛名山上疏謝朝請抱膝玉泉亭頗諧魚鳥性苦吟

聊自娛清狂未為病不見梅溪人但誦梅溪詠耶律楚材

中州號文藪最著乃秋澗幼從鹿菴遊蘇門事筆視登壇
沛厥辭燦爛雲錦絢筠林景依然伊人不可見

王文定憚

古人重擇里太原徙輝邑師許道有宗器業挺然立秋霜

明豸冠臬臺凜操執請看隧道碑學行兩難及

白憲僉棟

北邙行

明 張美含

行行上北邙山抱盤龍勢岡坡多崎嶇荆榛渺無際古塚
何纍纍新塚無虛地洛陽千萬家喪車挽相繼紉翼轉長
揚霜風雜鼓吹天暮不復晨原野愁雲蔽黃金積金谷難
挽流光逝獨憐塵海客不道身如寄送葬還城郭營營起
甲第達矣雍門周一言可垂涕

弔汲黯卧治閣

明 王 鏊

漢家一戇臣其心固如石中言抗九重允稱補袞職國法
日以明君心日以格剛方屢見憚焉能久君側一麾守淮
陽山川增價值高卧半榻雪羣黎白衣食草絲訟庭閑春
風滿衽席閣廢名猶存到今沐膏澤我欲一見之凝睇不
可得青史振嘉猷百世可爲則

送史孝子還內黃

明 梅應魁

河北史孝子萬里來廣州莫投和光寺慷慨如羈囚相見
不肯言哽咽涕泗流侵晨趨相府長跪述所由兒昔方七
歲嚴親此宦遊三年佐風憲長貳資良籌嚴親忽云歿母
氏懷深憂陸行乏輿馬水宿畏蛟虬昇棺難寸步何以歸
故坵禪關有隙地乞土寄一抔母子孤且癯鬻釧促歸舟

還鄉理先業薄有舊田疇兒年日以壯痛父骨未收忍離
母膝下俱結倚門愁向來草草殞喪葬事已休即為嶺表
行不與妻子謀路苦焉足惜到來述所求門巷非舊日願
瞻林木稠重帛深且闕躑躅空夷猶上官幸垂憫庶得志
願酬言訖即搗泣感動仁公侯霜簡發嚴令通衢廣尋諷
父老四五人指不東墻幽發掘見青錢棺底昔所投黃金
與白璧次第歸衾稠孝子愁且喜勝獲琳與璆稽首謝蒼
天伏地禮比邱拜辭烏府舊金帛仍相周山川耿南北何
暇畏阻修親魄既安妥祖隴茂松楸孝子年亦老華髮風
颼颼誠心格蒼壤孝行遍遐邇我作短歌行送別南海頭
瘴癘不爾毒盜賊不爾仇安口至鄉里嗟哉誰與壽願爾
增壽考在世百春秋願爾子孫賢事業紹箕裘以爾敦薄
俗芳名千載留

題祭陽貞節詩

明 劉理順

余備員青瑣職在崇禎人倫迺者流焚虐駭所至
颺沒陳氏及弱女一始同時損軀相將并谷皇皇
聖諭高懸偉闕余誼維桑不忍
寂寞爰形篇什亦以口都人士

燦燦朝陽霞峩峩泰山石瑩然玉七尺劍温温半天璧矚目
光明生神明如其赫蘭膏不私焚瑚璉不空擲白日入虞
淵巢鳥安所適顧此不緇身使我坐感惜貞德擬潛龍母
為風雨赫何能復栖栖决背女幽窆

汝南咏古五首

國朝 陳維崧

烈士狗名義嗜若酣杯酒人王天地間志節視所取漢季

盛黨魁汝南實其藪陳蕃與
范滂矯矯立朝右此皆國老
成練達固不苟云何兩少年
亦與爭不朽臨固勇既沉彈
翼力復厚郭亮甫成童袁著
年十九

未流尚崖異薄俗善抵牾
寥寥千載間我思黃叔度時
勢至桓靈羣閹竊國步甘陵
恣昂目羣國炫厨顧失之生
瘡瘡得之長毛羽虛聲煽賢
豪餘波駭行路獨有千頃波
不受黨人悞牛醫大自佳仕
亦無所忤

平輿有二龍少者尤深道鄉
里藉品覈月且成陽秋功曹
雖小吏儻氣軼不收一寸烈
士腸詎爲賢豪柔會來潁川
郡好作長者遊一府盡交驥
不詣陳太邱私以語他人憂
其道難周末俗工附會妄相
綢繆視茲磊塊人躡足徒

增羞點哉曹孟德自負好雄
流一語當意去掉頭笑不休
結交亦何益客遊登古臺臺
高空復存但見蒿與萊昔人
雞黍處弔古有餘哀元伯既
已矣巨卿安在哉歎息汝河
水悲風千里來

汝南袁本初家世爲三公姿
貌既瑰異賓客能關通東京
昔喪亂董卓汗神宮一言不
合意出門如飄風懸節奔冀
州糾合諸驍雄陳琳老文士
視曹猶蟻螻快意於檄書罵
之及若翁至今千載下浩氣
凌長空云何邁未造躁率難
成功官渡紹旣蹙壽春術亦
窮家聲一旦墮愛子誰見容
烈烈袁宏甫先在蓬蒿中

蘇門三賢詩

國朝 王士正

張于度

蘇門孫徵君曰于度為鹿伯順高弟從予五十年未嘗或離左魏之難履虎尾涉春水烈士之名滿天下卒歸老蘇門高蹈遠引志士不忘溝壑其庶幾乎于度名果中谷城人葬夏峯北原

明運昔中圯奄豎奸大位衣冠虛南牙政柄歸北寺誰實
釣黨魁嶽嶽左與魏一朝檻車徵牢戶事陰秘傷哉史弼
言茶甘乃如薺容城有布衣發憤忘鯁避要鑽理太尉舉
幡訟司隸貫械渤海生赤幘夏門吏桑海四十年任事如
夢寐骨歸蘇門山名在顧厨次

理寒石

本李姓也名悅和西華人耻與逆闖同姓改曰理孫徵君與西華左令書稱為魯連後一人

魯連蹈東海其志耻帝秦龔生天天年詎知有美新陶公

懷晉室聊存頭上巾嗟哉均均流乃愧青巖甄西華理寒

石為儒甘賤貧奉母蓬藿中歸潔恐辱身梟鏡破鏡與交鏡同

蹄跡神州日沉淪靈氛久上天呼號竟無因感激變姓名

下土良苦辛何人傳義節誦言聊一申

餓夫

彭姓字了九蘇縣人遭闖亂棄諸生客饒陽為鄉塾師已而從孫徵君於蘇門或授之粟不受竟坐死嘯臺之旁徵君題曰餓夫墓

黔敖呼餓人不受嗟來食使之當大事必讓千乘國靈輒
餓翳桑倒戟一何力簞食不忘報竟脫宮甲逼蘇門有餓
夫風節夙所植生餓蘇門下死葬蘇門側嘯臺高峩峩百
泉流湜湜清風一相映水石起寒色遐哉首陽微千古長

太息

潁亭

國朝 王士正

青山圍潁亭下有清潁流石瀨何濺濺力始勝方舟金沙
映紫儵策策千萬頭斜日照水雪微風矯輕鷗側身望終
古企彼巢與由樵糠鑄堯舜心與造物遊不逢掛瓢人北
指軒轅邱

文王廟

國朝 閻興邦

三讓稱至德泰伯開其始文考嗣後服終身商臣子行善
非覲福止敬忠所事幸未隨九鄂敢不同箕比置之羨城
中沉潛觀易理一畫本先天上古無文字何以答聖明演
此六十四日落色昏黃琴聲流蕩水

弔長葛王烈婦李氏

國朝 沈 荃

壬午屯妖氛中原橫殺氣石固如彈丸逆寇恣狼視聞有
高素人王生富韜秘密移一尺書迫脅將招致哲婦啟王
生吾輩憂大義寧忍汚厥身苟且狎兇類長嘯渡洪河嶽
嶽明正志狂賊恨不從孤闈匝萬騎突入王生家擒婦碎

香馘偉哉閨中秀乃能奮勇智夫君名不毀殺身良獨易
憑弔此潛焉短歌申遙企

弔長葛尹烈婦李氏

國朝湯斌

中州昔喪亂千里無完堵大將擁節旄聞風散部伍守令
携印降忠孝棄如土而乃深閨人秉義不可侮長葛尹烈
婦抱兒守茅宇倉皇賊騎來驅掠似風雨逼令捨其兒從
之赴汴滸烈婦誓死殉大罵櫻其斧數載天兵臨妖氛
不復覩安知非義魂助我王師武孤兒才且賢文章重
詞府誦詩廢蓼莪泣血永懷苦投我沈公篇悲風滿庭廡
我母同節烈讀之心欲腐

輓于烈婦

國朝王圻

百草秋闌死松筠寡孤芳嚴飈忽零落晚節挺嚴霜彼姝
者誰子抗衡張睢陽一旦辱狂且憤罵聲琅琅不謂巾幗
中而具此剛腸荒郊一抔土寂寞生異香

王孝子五成衛母死作詩悼之

國朝王敦紀

崆峒奇杰氣鍾毓荆水滸嗟哉王孝子竭力治園圃菽水
奉萱堂灌溉忘勤苦宴爾甫匝月孝養倩內輔寒冬冰雪
勵淒風吼村塢侍母待安寢入室方扃戶突如羣盜來執
母加捶楚號號驚魂魄嗷嗷裂肺腑拋棄竈下婦視死輕
如羽裹體入重圍那顧斤與斧奮力挺鋤杖擊賊三與五
身被數十創捍母左右股賊衆蜂蟻屯挺刃亂如雨厲聲
叱強梁某某予識女賊懼貽後患刃腹穿腸肚淚濺孀母

襟血流荆溪土羣盜方退避更板夜正午呼母又呼兄氣
絕首不舉嗟哉王孝子有力猛如虎母氏幸無恙憑賴威
與武賚志日未瞑飲恨復含怒罔極恩難報留與阿兄補
身殲仁已成生捐義可取蔡順與江革伯仲堪比數年未
滿二十孝自足千古

弔何烈女

國朝 禹 壽

烈女汜水何獻瑞女
也事蹟詳列女傳

古今稱烈女咸以身殉節或蹈白刃鋒引刀自裁決或沉
清冷淵投繯自奮絕其死雖殊途矢志如一轍悲哉何烈
女高行更超越十年不窺楹幽閉守靜潔婉婉遵姆訓女
工夜不輟高堂無違顏輝庖共懽悅祖母年已邁就養時

在列相待寢高樓回祿肆燄烈昏夜倉皇間衣履苦難挈
烈女籌之熟廉耻不容蔑顛沛必於禮死生何足說持此
不二操全歸無玷缺家人急相援閉戶與承訣提携姊妹
行慷慨心無缺從容火宅中百鍊如堅鐵須臾成煨燼英
靈應不滅斯時天地暗慘淡陰雲結星虹爲隕變鬼神爲
悽切遠近談述者驚怛同嗚咽吁嗟誰無死獨此光日月
捨生無顧戀猛作怒猊抉當年宋伯姬孤芳與之韻邑歲
已大書琬琰深雕鏤金剛不壞身瑤池古冰雪以茲二語
誦千古長昭揭

百泉

國朝 曹爾堪

葭茨揭揭長國風如在眼水草紛紫翠苻絲柔可縮柳外

狎輕鷗沙底數潛鯁小橋激奔湍東去不復返息機山中
人意致何閑遠撫琴悟流時揮手謝嵇阮嘯聲雖不聞聊
具雕胡飯濯纓洵吾從從遊惜已晚

登太室中峯

國朝 施閏章

壯士貪名山如海吞百川東遊卧日觀羲和親比肩南使
經衡嶽霧雨悵遷延近思太華頂遠夢崑崙巔嵩高在眉
睫振策窮攀緣詰曲蛇徑緬幽陰熊館穿冉冉極天際舉
頭觸星躔宅中環四岳一氣何盤旋風雨鬱交會蛟龍走
連蜷樹杪忽橫練坐見黃河懸窈窕擣衣石淒清玉池泉
引領眺箕穎巢許方陶然辛苦茂陵客壇時飛荒煙有爲
終滅沒瑤玉空雕鐫帝休昧珍木石室闕誰傳長憐食肉
者虛無求倥佗

望少室

國朝 施閏章

晨興出東郭秋霽開新顏高阜一回首爽翠飛巉峴三花
信有無碧樹森琅玕前峯復中斷白雲時獨還巖戶深且
阻峻坂何險艱逝將凌玉巘騁轡無翔鸞延睇如藐姑綽
約青霞端

蘇門山

國朝 施閏章

尋幽無遠近在險必攀踐茲山接郊坰靈異天下鮮仙臺
冠丹岑列館叢碧蘚來者若有遇往蹟距可辨林端虛白
生下見水清淺荇藻舞漣漪雲嵐靜舒卷澄波平百頃倒
影涵絕巘懷道企李邵多才惜嵇阮逝者不可追清歡孰

與展遲回川上歎白露忽已泣

許昌懷古

國朝 李來章

魚鳥自忘情潑眼西湖水子城誰增築展江名自美萬柄

荷花開置身明鏡裏

西湖

澗水鴨頭綠透迤貫園林寂寞誰作主巨竹空蕭森慨然

持贈客想見古人心

曲水園

梅花千百樹草堂築其中寒雪對芳樽綠萼映盃紅臨風

懷坡老興與林逋同

梅花堂

西豪材最盛八子比高陽德星占五夜將為漢室光奈何

荀文若戮力佐文王

高陽里

持戟報父讐萬金賴良藥使酒罵坐人剛福亦不惡兩鬼

風潭千鬢萬髻作顏色太行倒插綠玉簪清冷忽聽響琴

玊駮激更不容螺蚌吾徒解衣聊快意健筆往往兼雄談

昔者東遊過釣突與此清泚同所矧水晶盤中瀉冰雪一

勺便瘦吾猶甘

水性悍急飲之輒瘦居人於十里外方汲

者捫壁高乘籃青山久無俗士駕白石尚有仙人函嘯臺

鸞鳳杳何處遺訣或者留彭聃重遊後會與誰必歸路欲

覓觴酒酣環山三市夢應熟瞥眼一過心常貪便捷休爭

百足虻纏裏莫作三眠蠶人生婚嫁有時畢便合夜雨同

真參

登香山絕頂因宿來青軒

國朝 湯右曾

香山古寺危峯巔飛鞚欲躡無因緣今晨得到翠微頂傑

問千仞凭風煙四山圍合看歷歷長路放曠窮綿綿桑乾
一綫白窈渺太行萬里青鈎連八陁地脉考圖志勝槩直
欲吞幽燕珠宮紺殿久零落老樹詰屈根株纏舊傳兩松
怒龍攫雷雨失一歸重淵恒河七寶緬經始中丞故石今
誰傳明昌大定全盛日獵火夜照長圍圓齋厨歲供太倉
米土木屢費司農錢祭星臺荒杳何處空復太乙祠神仙
回頭逝水各陳跡風鈴簷鐸猶當年來青一軒瞰空濶女
墻低亞藤蘿懸我來九月霜始殺萬株柿葉紅霞鮮泉聲
淙淙響下界鳥語一一聞諸天須臾煙暝月出嶺一彎眉
嫵窺嬋娟半崑遠火出林杪中夜清磬鳴山前朝霞公今
風雅主勝地往往留詩篇同遊樂宋兩佳士各以秀句
焉思前修臨池兩嘉樹樹老枝相樛攀條爲泣然斯人邈
難求大海粟一顆終古貉一邱不知後視今感歎有此不

風穴

國朝 湯右曾

萬竅忽怒號林摧巨石走太虛只一噫盛自土囊口我嘗
笑斯語索之無何有茲焉乘風颺絕頂延佇久言尋萬古
穴橐籥落吾手奇踪目親擊虛牝神所守何必天西南仇
池九十九蕭梢如欲起先已在跟肘應蘇久沈疾乍醒初
中酒下山憩茅菴絕境屢回首歸駕豈免促平生覺多負
蘭臺快哉雄歌舞樂速朽冷然北窓下輪爾山中叟

大伾山

國朝 胡具慶

莽莽平原中突見岡巒巖雄鎮黎陽巔脉起太行足磅礪

勢外巨蜿蜒氣內蓄東西夾衛川一水貫雙麓東山如覆
孟四下無邊幅西山如卧龍角距相聯屬邈迤高復低肆
矧童而禿我來訪古遊禹跡杳難續環繞多叢祠崢嶸滿
陵谷琳宮奉岱宗梵宇宗身毒金鼎燎光騰玉爐香篆簇
童叟袂連帷嫗媪車駢軸揚旗競奔趨鳴鉦爭角逐嗟哉
司牧人誰其挽頽俗

吹臺懷古

國朝 劉青藜

高臺何峻嶒維汴東南峙磴道逾百盤俯仰窮千里黃河
落天來濤聲隨風起烟嵐侵衣袂嵩少近接趾當年晉師
曠曾此奏清徵祥雲與元鶴翩然下雲裡嗣後登臨人茫
茫誰與紀至今傳者三高李杜子美凭欄同感慨懷抱知

何似側聞慈壽塔篇章何纍纍醜酒問騷人奚獨闕於此
寒風吹落日搔首嘆不止歸來過夷門還弔魏公子

鐵忠烈公祠

國朝 劉青藜

吳漢有反相不關錯議削故國無齊黃北平寧自若籌策
固有罪將誤凶門鑿長興老而昏九江驕且弱滹沱車旣
覆白溝軍再却鼓行無堅壘如疾風掃箠壯哉鐵尚書濟
南摧其鏑利刃懸城闔岌岌元首落東昌泊小河轉戰尤
赫爍條侯備警壁料敵信灼灼事去金川門力竭甘鼎鑊
遊魂耻北面英氣殊磅礴維茲豐和鄉公也實土著俎豆
應百世廉頑兼敦薄訪弔城南隅瓦爍竄鼠雀摩挲認殘
碣慨然三嘆作咄咄當語誰搔首問寥廓

博望驛

國朝 劉青藜

魚鱗疊長空日落半山赤殘雪壓兔窟凍泥印虎跡荒城
歛斷岸水石激湍澹問此何鄉堡云是博望驛歛思鑿空
人持節度沙磧黃鵠怨烏孫天馬符神英竟以導軍故侯
封連阡陌錫名同上苑遺墟今藉藉可憐隴西將結髮戰
疆場白首向王朔食土無寸尺

張平子墓

國朝 劉青藜

炎正音衰微新都詭圖識惜哉中興後亦為邪說浸陋儒
工附會寵榮竊估賃幼季初莊言無口戲已甚少贛郊祀
對遜詞終不任君山頗切直非聖幾遭堪獨有平子疏排
抵請糾禁狂瀾雖未息岐舌能無吟夙昔披遺文太息為

歛衽茲來西鄂城墓門久停勒古木號禿鷲陰雨吹短鬢
南望讀書臺依稀猶可認但恨子玉碑零落無從訊

許昌懷古

國朝 劉青藜

朗陵西豪居住名錫渤海人間文範來天上德星滙惜哉
承家難或羣幾敗乃高陽里

遺臺何峻嶒空悲潁水濁氣想仲孺豪怒恨武安酷但惜
共守亟不及淮南覺灌氏思故臺

團團百尺泉傳是太邱井淵軌杳難攀黃鳥歌彌永懷檄
與弔讓吁此豈微青太邱井

明鏡蓋紅雲晴波飛白鷺曲岸裊垂楊微茫子城路不易
展江亭尚記呂公句西湖



路國舊園林彷彿篔簹谷森森綠玉鼓溟水貫其腹試問

賈文元好景更誰屬

曲水園

杜家海棠樹何如濯錦江桐木五相公日來倒銀缸綠草

乞春陰風流差足雙

杜家小亭

步屨許城西為尋卯君宅蛾眉骨已冷斜川猶藉藉臨風

薦溪毛并欲弔巾幘

蘇黃門故居

舊第冷劫灰怪石倚素壁西風過客淚每為抑堂滴嗟彼

委鬼兒遺臭焉能滌

蘇吏部故居

莊周故里

國朝張雄圖

舊讀南華篇天人同一籟言訪蒙城居古屋謝雕繪何處

蝶飛來栩栩花影外

鳳山

國朝朱珂

宿雨散輕陰夜洗晴山好探奇幸不遐杖策隨芳草拾級

步高岑憩息白石皓天風解豁眸四際煙霾掃衆象恣冥

搜古蹟從尋討俯視萬家低村落人踪小樵歌遠近聞餘

響震林表空崖綻野花雜樹啼羣鳥龍阜隔岸看樓閣雲

霞繞頰足暢幽情眷戀忘昏早胡為世網投徒使形枯槁

何日謝囂塵結廬此中老

王烈女棄山行

國朝周德滋

女未嫁殉夫自縊其父惡之棄屍山中木葉旋而為塚

女子重節烈此女更為苦捨命從夫死終不見夫主阿爹

不諒人送入深山宇深山不識路欲歸迷山戶朝依山外

雲暮宿山頭雨空聞明河津無緣架毛羽此身化為石此
心終難腐遙望夫子廬脉脉自千古

弔周苛

國朝 顧天挺

紀信已誑楚周苛守危城誑楚知必死守者能復生須臾
信灰燼苛亦旋就烹要皆忠漢室何分居與行豈以信激
烈慷慨一身輕苛死於勢窮不得與齊名詎知城下日項
籍氣猶平懸賞說苛降誰曰非至誠乃觀罵楚時聲厲如
雷轟芥視萬戶封鼎鑊不為驚節烈既如此千載誰與京
何為廟祀缺無以妥精英既失秩宗典亦復違與情同死
不同祀何以勵忠貞我來一憑弔感此淚縱橫

李烈女哀詞

國朝 蔣光祖

哀哉李烈女取義知所處焉讀聖賢書貞性乃天子餓死
事實小失節罪如許戚戚彼大翁境迫欲改侶顧此耿耿
在一盟誓不齟含悲謝祖母 鍵戶如自禦視死甘如飴勁
氣阻強旅鬢封何所待臂折 更莫舉良人未承恩幾飛弗
他與金玉萃乃躬欲換誰奪 汝

遊中岳六首

國朝 胡濙

應龍畫九有五岳蟠其根峻 層太室聳獨冠天中尊肩輿
指仙館歷險經轅轅嵐彩互 閃爍巖谷交銜吞豁登神宮
上俯見扶桑瞰城野杳莫辨 一氣春煙昏惟有濁河影綫
曲承崑崙曠然渺六合直欲 掀籠樊記得穴底虛元國開
雙門俯盼極昏黑洞若壺蜂 屯神書在何所渺茫難具論

高卑顯異象妙道已默存

六十八

峩峩天封宮瓊宇輝峻極空

六十九

百頃池蒼茫擎孤壁嵐髓

七十

留不受衆溜滴僧言睡龍

七十一

窺戒喧咳舊刻徵神奇請

七十二

湛寂觀水與空等焉受聾

七十三

日暮煙氣深坐看空山色

七十四

凌晨屏僕胥捫蘿結芒屨

七十五

當我心靈髻餘雙懸畫壁

七十六

厓髣髴鶴墜羽浮邱伊何

七十七

氣調鼎釜簧管具抽添活

七十八

鳳譜嗟我學仙晚腦後漏

七十九

何時期青童苴勝斲瑤斧

八十

少室多精廬少林猶絕景

八十一

雙靈栢龍蛇蛻遺挺聖者

八十二

僧晚坐目正瞑客至從定

八十三

波捲重溟葍禮貝多香臺

八十四

適脛伊予夙觀心有無既

八十五

衝瀑斷溪梁孤月在東嶺

八十六

仙官誇玉漿梵林輝寶燭

八十七

凌天門雲淙暢遊日巖瀑

八十八

昏青疑飲猱伏遙想授徒

八十九

鳳譜嗟我學仙晚腦後漏未補俯眺廬陵墳但悲日月古

何時期青童苴勝斲瑤斧續

少室多精廬少林猶絕景寶鐸鳴天風蓮花交四映中窺

雙靈栢龍蛇蛻遺挺聖者去已遙幻相尙螺頂下有白髮

僧晚坐目正瞑客至從定起徧引導諸境壁觀古洞黑皴

波捲重溟葍禮貝多香臺攀卓雪冷旁看儀鳳碑誇元髓

適脛伊予夙觀心有無既平等形忘詎見腰石破曷佳影

衝瀑斷溪梁孤月在東嶺少林

仙官誇玉漿梵林輝寶燭不如草堂幽天然妙溪谷倒景

凌天門雲淙暢遊日巖瀑逞鬼工散珠闌奇玉白訝飛蝶

昏青疑飲猱伏遙想授徒人金書此卧讀到處恒移時未

續可南通志 卷之七十一 藝文志 詩 三

忍遠前躅盤迴俯曲欄遺像儼修竹堂館非故基銘剝亦
難續惟餘金碧潭魚游仍淨綠石影誰狡獪雪濤皴細墨

題詩和滌煩翩然下鸞鵠盧巖

雨歇伊水寒春梁負輕裏亂流望龍門白雪尚婀娜夾岸
崖洞深竹栢交翠鎖誰悟化天身寶髻搜粟顛山色妙清
淨干相本一髀堪笑題名人妄見分彼我前峯忽陡傑梵
閣竦磊砢一覽小中州千里收孤坐蕭森許由廬咫尺落
襟左惜哉潁口深欲在時未可名山信有緣終期結勝果
稍待秋林霜更泛潛溪舸千佛巖

岳陣頭

在汜水相傳岳忠武破金兵處

國朝許勉燉

積塵霾曠野飛沙捲山塢四顧但蒼茫高低雜榛莽維昔
靖建年傳車走二主煌煌京洛中機槍蔽殿廡為問河南
北勤王誰禦侮義旗掃地來岳家背嵬斧旣清淮楚氛誓
飲黃龍府精忠懸日月慷慨告天祖躬親擐甲胄手自援
枹鼓臨陣運一心安用豎樓櫓維此干豺豨吞彼萬豺虎
聞聲爭悲竄敢向顏行拒整旅駐朱仙將軍真神武何難
咄嗟間恢復中原土詎知宋宗社早藏狐鼠蠱廟堂堅和
議竟與權奸迕金牌十二道傳呼撤部伍童叟送歸旌慟
哭淚如雨乃壞萬里城忍斲擎天柱中興業摧敗遺恨留
千古當時追戰地雄風猶號怒至今耕犁處往往拾殘弩
嶺岼逼虎牢險隘相撐拄拊髀起長歎故壘不可覩遙憶

鄂王墳寒鴉噪煙樹

題龐烈婦傳

國朝 吳振周

吾友劉瑞明藝圃稱瑟瓚寄懷醒醉間有時白雙眼厥配
氏曰龐莊淑推壺彥績燈伴夜讀藜糗供梁案靜好宜百
年數奇忽蒙難晉寇踰太行殺掠熾克燄猝犯郡之西倉
皇各奔竄龐為賊所迫怒罵氣英侃蹈刃不辱身垂光比
星漢至今畢命地萋草赭不變許君敦奠好鐫石表貞媛
祝祀慰芳魂闡幽立佳傳嗚呼三百年教養恩非淺慨彼
溫飽流蒙面不知赧鬚眉愧笄帨袞袞何足筭

西澗

國朝 萬邦榮

李自成陷襄城陝西義軍四萬多死於此

古澗開豁窅窅窮接嶂岨地非長平坑水染陳陶血黑
書窓翠青燐晚明滅經雨金斨盡沉沙鐵戟折築臺但西
夏瘞齒無元結密松秋螢雨鬼哭聞幽咽飲恨念國殤中
心每如剗惜哉諸部伍未足稱勇烈車徒簡羣牧須爾殲
妖孽臨陣身已忘授令家早決當時關西來敵愾力宜竭
如何但一閃甲摧車遂裂敗北鳥獸竄國耻已難雪反顏
向梟獍還復乞苟活吾欲效江總題棺慰枯骨九京恐汗
顏把筆却復輟

明忠烈李公祠

國朝 趙冬晟

我公舟楫才出秉憲臣節褻帷臨潁水慷慨念君國國步
艱難會天心竟叵測百廢雖稍興整頓未越月那當大稜

餘哀鴻泣中澤逆賊恣蹂躪烽火遙相接悉衆拔洛陽席
捲薄陽翟鼙鼓動地鳴山川欲崩裂守禦固多方勢蹙心
力竭振臂戰城頭殺人手自格雲暗鼓聲死鬪苦矛頭折
寡衆本非敵身俘齒猶切寇曰屠此城不然憤罔洩公曰
我爲政與民何所涉終幸賴此言巷陌靖流血再拜北向
呼皇天高無極城陷身則殉豈復惜寸磔齒爲睢陽齒舌
是常山舌仁至而義盡慘死何足說飽騰羣寇揚廬舍縱
焚劫朝烏啼散墟夜鬼號廢宅城上雜燐火城下羅人骨
檢點收公屍曾不變顏色瘞彼結纓地對此孤城堞明年
公甥來輿輓返而北民間三日哭祖道牲羅列迄今四十
年念之仍恍惚可憐英魂遠忍使遂湮滅廟祀崇俎豆芹
藻薦豐豆潔勒名片石間崇隆高千尺世亂見忠臣萬古留
餘烈

畢卓池

國朝 崔應階

在天有酒星在地有酒泉天地生美祿胡云無酒仙我聞
畢吏部嘗拚酒爲年放達無儀節啣杯豈避賢盜飲隣家
釀醉倒甕底眠不復知有我束縛庸何愆我今過池上池
水猶清漣傳爲縱飲處持螯泛酒船空餘鴨頭綠誰復遺
甘鮮一生未得了落日鳴秋蟬

啟母石

國朝 桑調元

吁嗟啟母石鬼峩殆亦偶是物應星精寒光射珠斗氤氛
連雲根淋漓襲氣母驚砮秋雨滴銳挾雷霆走狀類劈斧

皴元工無好醜緬惟開闢初儀象元黃剖大擘巨靈掌細
啣精衛口海枯爛不免金流爍亦朽此屹黃室間跡著延
光後鴻烈比齊諧志怪標談藪碑銘紛傳疑宇宙無不有

續河南通志卷之七十一終

續河南通志卷之七十二

藝文志

詩 七古

洛陽公子行

唐 劉希夷

天津橋下陽春水天津橋上繁華子馬聲迴合青雲外人
影搖颺綠波裏綠波清迥玉為砂青雲離披錦作霞可憐
楊柳傷心樹可憐桃李斷腸花此日遨遊邀美女此時歌
舞入娼家娼家美女鬱金香飛去飛來公子傍的的朱簾
白日映娥娥玉顏紅粉粧花際徘徊雙蛺蝶池邊顧步兩
鴛鴦傾國傾城漢武帝為雲為雨楚襄王古來容光人所
羨况復今日遙相見願作輕羅着細腰願為明鏡分嬌面

續通志卷之七十一
與君相見轉相親與君雙棲共一身願作貞松千歲古誰
論芳槿一朝新百年同謝西山月千秋萬古北邙塵

洛陽白頭吟

唐宋之間

洛陽城東桃李花飛來飛去落誰家幽閨女兒惜顏色行
逢落花長歎息今年花落顏色改明年花開復誰在已見
松柏摧爲薪更聞桑田變成海古人無復洛城東今人還
對落花風年年歲歲花相似歲歲年年人不同寄言全盛
紅顏子須憐半死白頭翁此翁白頭真可憐伊昔紅顏美
少年公子王孫芳樹下清歌妙舞落花前光祿池臺文錦
綉將軍樓下畫神仙一朝卧病無人識三春行樂在誰邊
庭轉娥眉能幾時須臾鶴髮亂如絲但看古來歌舞地惟
有黃昏鳥雀飛

從幸龍門應制詩

唐宋之間

宿雨霽氛埃流雲度城闕河堤柳新翠苑樹花初發洛陽
花柳此時濃山水樓臺映幾重羣公拂霧朝翔鳳天子乘
春幸鑿龍鑿龍近出王城外羽從淋漓擁軒蓋雲蹕纔臨
御水橋天衣已入香山會山壁嶄巖斷復連清流澄徹俯
伊川塔影搖搖綠波上星龕奕奕翠微邊層巒舊長千尋
木遠壑初飛萬丈泉彩仗虹旌遶香閣下輦登高望河洛
城東宮闕擬昭回南陌溝塍殊綺錯林下天香七寶臺山
中春酒萬年杯微風一起祥花落仙樂初鳴瑞鳥來鳥來
花落紛無已稱觴獻壽香靄裏歌舞淹留景欲斜石間猶

駐五雲車鳥旗翼翼留芳草龍騎駸駸映晚花千乘萬騎
鸞輿出水靜山空嚴警蹕郊外紛紛引看人傾都南望屬
車塵鬢聲引颺開黃道王氣周迴入紫宸先王定鼎山河
固寶命乘周萬物新吾皇不事瑤池樂時雨來觀農扈春

鴻溝

唐張碧

毒龍銜日天地昏八紘黶黶生愁雲秦園走鹿無藏處紛
紛爭處蜂成羣四溟波立鯨相吞蕩搖五岳崩山根魚蝦
舞浪狂鯁鯤龍蛇膽戰登鴻門星旗羽鏃強者尊黑風白
雨東西屯山河欲坼人烟分壯士鼓勇君王存項莊憤氣
吐不得亞父叫聲天上聞玉光墮地驚崑崙留侯氣魄吞
太華舌頭一寸生陽春神農女媧愁不言

痕星曹定稗稗王孫項籍骨輕迷精魂沛公仰面爭乾坤
須臾垓下賊星起歌聲繚繞悽人耳吳娃捧酒橫秋波霜
天月照空城壘力拔山兮忽到此騅嘶懶渡鳥江水新豐
瑞色生樓臺西楚寒蒿哭愁鬼三尺霜鳴金匣裡神光一
掉八千里漢皇驟馬意氣生西南掃地迎天子

函谷關歌送劉評事使關西

唐岑參

君不見函谷關崩城敗壁至今在樹根草蔓遮古道空谷
千年長不改寂寞無人空舊山聖朝無事不須關白馬公
孫何處去青牛老人竟不還蒼苔白骨空滿地月與古時
長相似野花不省見行人山鳥何曾識關吏故人方乘使
者車吾知郭丹却不如請君時憶關外客行至關西多寄

書

梁園

唐岑參

君不見梁孝王修竹園頽墻隱麟勢仍存
 嬌娥曼臉成草蔓羅帷珠簾空竹根
 大梁一旦人代改秋月春風不相待
 池中幾度雁新來洲上千年鶴應在
 梁園二月梨花飛却似梁王雪下時
 當時置酒延枚叟肯料平臺狐兔走
 萬事翻覆如浮雲昔人空在今人口
 單父古來稱宓生祗今為政有吾兄
 輜軒若過梁園道應傍琴臺聞政聲

天壇憶昔

唐杜甫

憶昔北尋小有洞洪河怒濤過輕舸
 辛勤不見華蓋君良岑青輝慘么麼
 千崖無人萬壑靜三步回頭五步坐
 秋山眼冷魂未歸仙賞違心淚交墮
 弟子誰依白茅室盧老獨啟青銅鎖
 巾拂香餘搗葯塵階除灰死燒丹火
 元圃滄洲莽空澗金節羽衣飄婀娜
 落日初霞閃餘映倏忽東西無不可
 松風澗水聲合時青兕黃熊啼向我
 徒然咨嗟撫遺跡至今夢想仍猶左
 秘訣隱文須內教晚歲何功使願果
 更謝衡陽董煉師南遊早鼓瀟湘柂

題西白澗

唐韓愈

太行之下清且淺一水盤桓紆山轉
 千峯萬壑不可數異草幽花幾曾見
 波中白石隱出明風翻不動浮雲輕
 翠巒玉女下雙鶴笑倚秋練開新晴
 又疑武陵溪上原桃花溪盡空潺湲
 幽泉間復逗崑側噴珠漱玉相交喧
 羣猿見之

續河南通志 卷之十一
走絕壁綠峯虛睇弗勞力鳴禽面面背人飛爲是從來不
相識杖藜因貪仰面看碍石牽蘿錯移屐路窮曲屈疑欲
迴迤邐屏開一重碧殘樽遇坐酒卽傾旋摘山菓都無名
題詩且欲盡佳句觸歌翻詠仙難成天門幽深十里西無
奈落日催人歸誰能可屬天宮事爲我乞取須臾期上天
無梯日不顧牢落歸來壇未暮閉門下馬一衾寒夢想魂
馳在何處

盧郎中雲夫寄示送盤谷子兩章歌以和之

唐韓愈

昔尋李愿向盤谷正見高崖巨壑爭開張是時新晴天井
溢誰把長劍倚太行衝風吹破落天外飛雨白日灑洛陽
東到燕川食曠野有饋木蕨茅滿筐馬頭溪深不可渡借
車載過水入箱平沙綠溪傍枋口雁鴨飛起穿垂楊窮瞻
極覽頗恣縱物外日月本不忙歸來辛苦欲誰爲坐令再
往之計墮渺茫閉門長安三日雪擁書撲筆歌慨慷旁無
壯士遺屬和遠憶盧老詩顛狂開緘忽覩送歸作字向紙
上皆軒昂又知李侯竟不顧方冬獨入崔嵬藏我今進退
幾時決十年蠢蠢隨朝行蒙請官供不報答何異雀鼠偷
太倉行抽手板付丞相不待彈劾還耕桑

韓碑

唐李商隱

元和天子神武姿彼何人哉軒與羲誓將上雪列聖耻坐
法宮中朝四夷淮西有賊五十載封狼生羆羆生羆不據

山河據平地長戈利矛日可麾帝得賢相相曰度賊斫不
死神扶持腰懸相印作都統陰風慘淡天王旗愬武古通
作牙爪儀曹外郎載筆隨行軍司馬智且勇四十萬衆猶
虎貔入蔡縛賊獻太廟功莫與讓恩不訾帝曰汝度功第
一汝從事愈宜爲辭愈拜稽首蹈且舞金石刻畫臣能爲
古今世稱大手筆此事不繫于職司當仁自古有不讓言
訖屢領天子願公退齋戒坐小閣濡染大筆何淋漓點竄
堯典舜典字塗改清廟生民詩文成破體書在紙清晨可
拜鋪丹墀表曰臣愈昧死上詠神聖功書之碑碑高三丈
字如斗負以靈鼈蟠以螭句奇語重喻者少讒之天子言
其私長繩百尺拽碎倒粗沙大石相磨治公之斯文若元
氣先時已入人肝脾湯盤孔鼎有述作今無其器存其辭
嗚呼聖皇及賢相相與烜赫流淳熙公之斯文不示後曷
與三五相攀追願書萬本誦萬過口角流沫右手舐傳之
七十有二代以爲封禪玉檢明堂基

休逸臺

宋韓琦

牙城之北卽大圃中有廢臺名抱螺基圓有道盤屈上故
以螺目義非他當時興者擇地審氣象爽塏形勢多今如
孤冢但荆棘不知墮壞年幾何背城入跡旣罕到往往滿
歲無一過我來侵圃治兵庫得披榛莽登巍峩襟懷豁若
出塵外四視天水窮纖羅滿城風物聚掌上紅芳綠樹明
交柯太行之下不可數萬峯起落如翻波北來州域盡平

續通志卷之十一
地孰若舊鄴襟山河此爲遊覽最佳處遂施畚築完坡陀
臺頭結宇尚簡朴臺面甃甃嚴鐫磨魏宮冰井久湮沒鐵
梁有四淪耕禾精剛之質不少動俚俗傳詫鄰妖訛云有
神物常默護守令千百無敢他我憐古物輦而至爲臺之
柱植四阿州人聞至極驚異就臺觀者肩相摩榜以休逸
豈獨尚與衆共樂乘春和主人間復命賓酌樽前隨分絃
且歌病來飲興直衰淺獻酬勉強顏須醅退嘗內省爾何
德爾求自逸人譏訶反思吾本任忠義日不作僞心無頗
君恩至厚假鄉守正宜休此祛餘疴廷辱報國未能奮慨
然倚檻空長哦

會飲金明池書事

宋司馬光

日華駘蕩金明春波光淨綠生魚鱗烟深草青遊人少道
路苦無車馬塵石渠諸君職事簡載酒擷花畏花晚浮舟
逐勝任所之箕踞狂歌叩舷板眼花耳熱氣愈豪擲杯擊
案聲嗷嗷驚沙颯颯繞舟渚魚龍遷去避我曹人生大料
無百歲貴賤賢愚同一致在家殺菽餘幾何一日風光不
宜棄

辛酉十一月十九日旣與子由別於鄭州西門之外

馬上賦詩一篇寄之

宋蘇軾

飲何爲醉兀兀此心已逐歸鞍發歸人猶自念庭闈今
我何以慰寂寞登高回首坡隴隔時見烏帽出復沒苦寒
念爾衣裘薄獨騎瘦馬踏殘月路人行歌居人樂僮僕怪

我苦悽惻亦知人生要有別但恐歲月去飄忽寒燈相對
記疇昔夜雨何時聽蕭瑟君知此意不可忘忍復苦愛高
官職

李輔之得鄴南城注雨瓦筒以之支琴

金 王庭筠

鄴城城南青雀來五樓突兀肩三臺胡桃萬瓦淨如水春
陰不敢生莓苔簷雨欄杆三百尺多年雨啣空階石繁華
已逐水東流斷甃時從耕者得可憐此瓦落君手愛之不
博連城璧錫花如雪錯菱花小字興和猶可識晴空拂拭
支桐君上下一般蛇蚶紋哀彈遽止不成弄千古雨聲愁
殺人

宛邱嘆

金 元好問

秦陽陂頭人迹絕荻花茫茫白如雪當年萬家河朔來畫
出牛頭入租帖蒼髯長官錯料事下考大笑陽城拙至今
三老背腫青死為逋懸出膏血君不見劉君宰葉海內稱
饑摩寒拊哀孤惇碑前千人萬人泣父老夢見如平生冰
霜紈袴渠有策如我碌碌當何成荒田滿眼人得耕詔書
已復三年征早晚林間見雞犬一犁春雨麥青青

天平宮

元 伯德正臣

大哉元氣胡為乎壯此崢嶸之六峯千奇萬巧一一窮神
工碧霄奪秀爭先挈髣髴有意爭雌雄烟霞連雲最相得
不肯容易變滅隨東風獨有昭陵稜層似玉柱氣象只欲

摩蒼穹大峯小峯屹立千萬仞芙蓉捧出蓬萊宮縹緲仙人不知宴何處泉聲猶似玉佩搖丁東壯哉二龍洞疑與海藏通棲鵠危巢仰不可攀但見絕壁倒掛之枯松日出破烟景雲斷林霏開目窮千里心飛九垓覽天地之廣大見造化之胚胎暫神遊于物始且放曠其形骸忽赤羽以中昊掩半空于陰霾其壯觀也若此誠不負杖屨之來

登大伾山

元 朱淑服

伾山蒼蒼出雲表夜半金雞報天曉曉色欲動河漢橫嵐氣上浮山月小蟾精未墜陽烏升照見佛身光縹緲

金谷步障歌

元 楊維禎

金谷水派銀河流金谷峙據三神邱太僕卿君十二樓花草不識人間秋蜀江染絲紅五色紫鳳啣絲終夜織剪斷鯨濤三萬匹天女江妃不敢惜明珠量斛買蛾眉時時玉笛幃中吹紅鸞翠鵲飛在地香塵蹋蹋疑流脂野鷹西來歌吹歇踏錦未收風雨裂樓前甲士屯如雲樓上佳人墜如雪於乎董家郿塢金成泥鬼燈一點燃空臍齊家奴何用爾只須豆粥與萍蘘不見祇今金谷底野蒼作障山禽飛

廣武行

明 湯 珍

噫嘻廣武古戰場據敖倉而倚滎陽負山阻塞扼險要楚漢相持壁壘當是時龍虎方交鬪結陣連軍昏白晝重瞳取霸實暴興豐沛真人乃天授平沙落雁下高城戍草屯

續江南通志 卷之七十二
雲夕照明蝕泥斷鏃猶封血夷竈餘基尚有營山川如在
殊今昔往事銷磨但陳迹鴻溝即使遂中分兒嬉輿圖輕
一擲慷慨何人阮嗣宗醉眸傲睨乾坤中覽古黃河氣填
臆長嘯茫茫徐泗空憑高指劃爭衡地悵昔英雄生不世
彼豎子者豈足名鼠竊翻能盜神器神器雖可盜天意寧
可欺太阿不久柄倒持弱人孤寡還自敝覆轍循環空爾
爲

鳳凰臺

明 薛瑄

吾聞鳳凰不與凡禽棲隆周之時曾集豐鎬西鏘然一鳴
向人世喧啾百鳥不敢爭與啼昔有名臣黃霸生漢世治
民之才向與時流異潁川出守曾幾何休徵數感靈禽至
靈禽文彩鳴山川和鳴噦噦聞中天遂築高臺表神瑞臺
空鳳去餘千年只今壞埽纔數尺野鳥紛紛競來集簡冊
空存記瑞年荆榛不復快覩迹我來驄馬登高邱荒臺已
遠猶回頭爲憶循良心耿耿緬懷瑞物情悠悠鳳臺鳳臺
重搜訪往事何須空惆悵方今聖明治理登俊良會見一
朝飛入青雲上

平蔡行

明 何景明

蔡州城高高且壯四十年來兵不向旌旗忽從雨雪入一
夜開門納兵仗請降盡是洄曲軍拒戰不覩牙城將褰鞬
將軍拜道左緋衣小兒來天上州人始識裴丞相

觀汝南王玉磬碑引

明 楊慎

汝南帝子真人入水壺玉樹凌風塵心源早契空門地意
象遠寄荒岑濱步折峯頭翠肥草直登萬頃層霞杪金鞭
九馬蒼烟叢霓旌千騎紅雲島伐石何人得磬襄豐碑擊
作聲琳瑯鳳凰毛羽落丹穴蛟龍文采卷銀潢山圖郡乘
收難采波瀾東遊星辰改眼見雙林成古邱誰問君王仙
跡留可憐南浦西山外猶有鳴鸞歌舞樓

李斯歎

明林時

上蔡倉中廡下鼠西入秦關東辭楚千騎萬騎忽雲來丞
相門前客如雨自從身在咸陽殿六國將軍怯酣戰秦王
帝業一朝成直謂勲名出霄漢親隨傍海走旌旗可惜名
都皆郡縣蘭陵本是著書人守尉翻燒何令便沙邱消息

人不聞丞相胡亥惟趙君劍落陽周血上天衡星染日爲
妖氛二世黃袍斯赤手通侯印墮中軍口不悟逐時錯上
書還臨刑市悲牽狗嗟哉羣盜誰弗知相通乃獨三川守
人生天地信蜉蝣世事烟霾那真否趙君汝不死鹿乎馬
乎胡爲爾

王屋歌

明吳國倫

何處洞天三十六小有仙人住王屋王屋底柱遥相望真
氣高蟠太行腹上凌二曜開天壇下湧雙泉疏地軸滴乳
續紛薤葉垂飛鬘合沓蓮花蠹壁老軒皇未采芝巖餘夏
后曾刊木虛空匠出金銀臺輻輳規成子午谷五色靈光
夜夜朝道人爭訝龍銜燭攀躋直造虛皇宮千山萬山都

拱伏拂鼎重燃西國香調琴自奏神絃曲虛皇授我太乙
丹使我顏童髮再綠須臾笙笛響空中起馭赤螭驂白鹿
俯觀四海一蹄涔安見九州非粒粟卷石崑崙點大荒黃
河東走不盈掬向來虛誦五千言誰道無言是真錄河上
老子浮邱生八極歸來王屋宿

自濟瀆入虎嶺道中卽事

明 吳國倫

太行一匝軹城西西去山深雲氣迷四顧紛紛太行遶前
峯刺天天爲低無時太壑蛟龍奮夾路叢林虎豹啼二濟
涓涓發靈竅尋源曼異桃花谿遠村近落迴盤谷百里烟
霞銷王屋野服難勝六月寒立馬已飽千崖瀑石門風雨
排山來萬木爭鳴神鬼哭望望天壇隔勝遊呼醪且就田
家宿

嘯臺

明 趙貞吉

使車十日離金馬暮過迢迢嘯臺下空裏如聞鸞鳳音途
中不遇猖狂者阮生猖狂真可哀半癡半黠誰能裁千言
萬論盡聒耳獨憑一嘯明其懷開懷問孫公孫公益龍鍾
渺視無一語萬木澄英風吾能會其意拂意下山去孫公
送阮生一嘯抗自舉吁嗟孫阮自心期淒淒此意無人知
可憐千載不相待至今惟有高臺在雲邊影落蘇門山草
際烟浮百泉瀨與君相別在新春君去遊梁我入秦洛中
名士如相問今作區區青眼人

送王濟民歸盤谷

明 浦源

官地酒香柳花白下馬持觴送行客客歸江上愁更多春
水雨中生綠波青山遙對揚子渡殘日微明廣陵樹渡江
酒醒傷別離夜半舟人歌竹枝烏啼月落海天遠驛程已
過淮陰縣楚鄉菰米飯食魚膾征在鞍宿在車中原漸近
太行麓不知何處通盤谷一逕縈紆萬壑深始知舊宅隱
雲林昔年泉谷渾無恙猿鶴猶存松桂長遺老家家懷古
情相邀雞黍話平生尊前不問宦游好只說山中農事早
數畝何須負郭田郡中太守正求賢知音不肯入城市日
逐漁樵向山水江南故人那可逢有書應寄南飛鴻

西華雙烈

明朱之蕃

西風一夜清霜烈吁嗟所天中道絕孤燈慘淡形影弔相
對悲啼生死決蘭膏棄捐青鏡破黃鵠歌殘白石裂我生
不辰天所赅百折狂瀾心如鐵手裁縞素作衣裳服之懽
忻歸泉壤願同比翼飛雲外肯戀餘春稱未亡古來彭殤
等一死何如比肩擔綱常不見韓馮孤塚上輕雲深鎖鵲
雙雙誰家錦瑟調招魂聲淒絃斷月色昏茫茫廣漠路空
濶直把衷情叩帝闈天帝徘徊動顏色乾坤正氣在閭門
蜉蝣世界駒過隙清風蕩蕩千載存

天中山觀顏魯公碑

國朝薛耳

魯公墨妙稱入神天中碑石傳其真苔痕斑駁風霜古摩
挲忽看龍蛇生千臨萬擬幾能似衣冠優孟東家舉我肅
衣冠拜寒石眷懷千古騎箕人從來墨客筆成塚總留姓

續通志 卷之十一
字還微塵魯公所重寧在此吾儕應念皆王臣蘇武節無
毛嵇紹衣有血卽無筆墨落人間不道悠悠便湮失立名
砥行會有原重我悲思淚加織

詠鷺鴨池

國朝 金敬敷

將軍白馬如匹練寶劍衝星血光濺自提十萬熊羆來卷
甲長驅師不倦文城旣下秀琳降何用魯連書繫箭懸瓠
池中鷺鴨喧夜雪漫漫烽火斷將軍用兵洵神速官軍破
賊始朝飯我行池上空夷猶池水清冷人不見

漢獻帝陵

國朝 范正脉

赤帝劍飛泣鬼姆桓靈之季成末弩區區閹寺不能平可
怪紛呶招外鹵羣奸逶起無寧時前雖拒鼠後進虎老驥
千里歌何爲沙蜮白雄屬魏武掌內天子如小兒三尺輕
綃傳禁籟英雄惟有劉豫州人中游龍孔文舉當時內外
若兼謀誅曹如兔何足數三分究定豈非天高帝子孫竟
臣伍山陽一片草茫茫狐狸晝嘯兕夜舞我停單車望古
人老鴉猶作當年語

丙午夏許有蟲患七月朔日祀劉猛將軍廟是夜大
雨蟲滅神之靈也爰作歌以紀之

國朝 王應珮

南宋名帥稱劉公張韓岳氏將無同公副留守京之東平
生報國血一腔慷慨深毅儒將風順昌迎敵方洶洶棄家
梵寺積薪封敗則舉火死相從天助夜雨電光紅大斫敵

營穢厥克水草毒中士馬慵廬泗二州陷敵中會戰恢復
方畧雄金人誰敢當前鋒疾中激烈氣橫空愧彼儒生成
大功汜也一敗怒冠衝願爲厲鬼嘔血薨叶至今靈爽憑
蒼穹福國福民皆餘忠護持我稼匡先農屏去螟螣驅昆
蟲中原吏民俎豆供春秋祈賽年屢豐我許六月嗟蘊隆
蟲患偶作憂田翁病我黍稷如疲癯宰官不德災肯逢遠
聞鄰境心忡忡言歸齋宿致恪共手書祝版齋神宮牡犂
肥脂罇罍醲歌臺絲竹喧優童四民泥首扞丹衷響應不
啻呼吸通日沉風靜陰雲濃金蛇爛爍鳴靈籟蟲兮乘夜
潛來攻忽然靈雨傾岷江叶片時洗刷滅其蹤禾苗被野
青龍葱菴觀秉穗歌櫛壙將軍之靈若神龍陟降變化殊
橫縱儼然存日張軍容順昌旗幟驚贖聾許人色喜何融
融咫尺昭格神明聰鑒汝黔黎祀事崇敬云感召自我躬
永藉神力除田蝨聿新廟貌重鳩工深如河洛高如嵩報
功食德無終窮

仇十洲摹宋人張擇端清明上河圖歌 并序

國朝 張篤慶

宋人張擇端清明上河圖乃汴京勝概大約當在宣和以
前繁盛之時故其宮室城郭樓觀浮屠街衢巷陌市廛亭
館舟楫橋梁士女車馬商賈負販俠遊百戲萬貨諸物莫
不畢備而富麗浩穰雅有太平氣象爲物者以億計爲人
者以萬計螺紋蚓結工細可知非數年之力諒不能成信

奇觀也當時與西湖爭標圖俱選入神品元時曾入內府
故誌有御寶今茲摹本亦頗入妙茶陵李文正公有記記
焉後又流傳于宜興李文定家文定手書文正公原記亦
自娟秀而予今于焦司徒家見之蓋其世傳之故物也
畫山不畫海上山山在杳靄飛雲間畫水不畫滄江水水
在波濤烟霧裏不如畫作汴京圖汴京富麗天下無宣和
以前號全盛繁華自昔雄三都百年太平饒物力嘻嘻朝
市多懽娛清河畫師妙天下十年構此良非迂展卷忽然
迷五色幽窻老眼仍模糊睇觀乃識畫工巧長房縮地誠
不誣九馗之道何穰穰冠蓋歷落當交衢邸第樓臺紛在
目列肆百貨羣所趨袷服繹絡出珠箔珍恠瑰麗來番禺
馬如紅豆人如蠶摩肩擊轂爭馳驅端門百戲無乃是朱
樓舞榭紅瓊瑜葡萄美酒醉俠少亦有犢鼻來當壚王侯
貴人盛遊樂翠幃寶馬青驪駒時和正值清明節汴堤官
柳何縈紆青簾白舫載簫鼓黃羊紫駝充行厨長橋一道
白虹起葉葉帆檣連舳艫永和三日修禊事蘭亭遺韻方
來徂五雲深處九重上遙望阿閣黃金鋪龍樓鳳輦駐佳
氣似是天街須大酺眼前百恠競出沒一一變相神理殊
承平士女堪圖繪傳之千古勞踟躕我聞此畫入神品爭
標不獨傳西湖大元御府作重寶雙龍小印存區區飄零
兵火更出世仇英臨本非小巫摩挲自是亂真手不愧玉
軸裝珊瑚西涯相公好奇者萬字作記窮根株宜興妙筆

更飛灑中山什襲千斛珠憶昔開元東巡日潞州亦有金
橋圖道子陳閔韋無忝寫生萬態勢可呼天子親乘照夜
白百寮濟濟被檐榆羽林鹵簿三十萬道旁觀者人相扶
當時三絕今復見慎勿棄擲同砥砭名畫由來辨宗派儼
然族姓稱崔盧藏之篋笥待知己羣兒莫使爭抑揄

陳昇菴招遊蘇門百泉

國朝 湯右曾

五更月墮天西南殘星耿耿配兩三出門風輕馬蹄快衣
上一帶侵山嵐蘇門縣前解鈴馱困思小憩投茅菴賢侯
東海我好友勸我劫劫姑留驂臺符吏牘劇衡石一笑不
問先幽探西門七里林谷繞斜日半嶺烟雲含涓漣已到
百泉上清暉傑閣凭耿耿水妃何年此微步明珠錯落遺

爭先清言啜茗足幽賞底用劇飲飛觥船頻年塵土雜夢
寐一夕喜就山房眠明朝遍踏四百寺雙屐未到心欣然

河南行轅錢唐二公作

國朝 趙士喆

唐公諱啟泰錢公諱祚徵皆官中州
辛巳春賊陷河南諸郡縣兩公死之

河南南陽不可問朱邱銀瑄人鬼憤萬姓哀哀骨髓乾金
張積鏗高于山一朝天狗過梁野雄都百雉如崩瓦御府
環竒散綠林名閨佳冶隨銅馬銅馬縱橫勢莫當可憐瀝
澗變沙場驕兵列戍提戈戲墨吏連城解印亡嗚呼何日
妖氛靖臣節分明功罪定忠節還歸孔孟鄉君不見汝州
刺史伊陽令

肅臺

李空同撰碑左國璣書

國朝 曹爾堪

兩山翠栢搖天風古臺突兀荒山中宏正殘碑斷復續左
氏書法文崆峒摩挲句讀歎古雅萬顆珍珠春自瀉种放
原非八道姿公和本是逃名者人間機弄苦相櫻石髓青
精足養生嵇公援琴阮公哭虛負空巖長嘯聲

陽翟賈

國朝 吳玉麟

陽翟賈釣奇貨不惜千金手鬻播千金夜入穀函關孝惠
昭襄淚潛墮秦人命重禮法輕華陽奪嫡無敢爭楚烏銜
雛丹鳳雛鳳雛零落啼無聲咸陽宮庭本無數邯鄲歌舞
舊有名子為王姬為后食客三千前上壽昔日殷勤奉異
人何圖富貴憂及身問君何功復何親一死不足償亡秦
君不見黃頭郎戟門外仲父未稱肉已敗猶幸秦無李園
在

河上戍民謠

國朝 張慎為 陽武

我生不辰在河澣積石西下齧中土桃花濁浪吼天吳兩
岸不辨漲秋浦歲歲瓠子築西風壁馬空沉沙河雨破屋
能有幾家存雞犬不聞蛸在戶憶昔北折幹地軸翁翁勢
捲相庭蹙都宮銳意起金堤捷木括盡淇園竹丁丁斧響
災神叢慘淡郊原光蔌蔌陽木陰木若雲屯爰派堡夫注
色目抵足河干伴朝夕吾儕小人三十六蘆荻蕭蕭風起
夜月明水寒鷺與鷺官家徒有月廩錢不飽惻獨飽吏腹
苛文數數察存留日久烏有但拙樞妻孥出入無完裙且
完舊柳四萬束那堪經雨復經霜鼠穴鼯壤委道旁新尹

舊尹自來去新舊此柳必存場一賠臂膚無人理再賠骨
肉更參商今日河水清且漪待塞宣房是何時上官或有
權宜策因革民勞巧那移如今喜怒關從事得請不令愚
氓知圍人具車甸具秣噉噉爾等忍毆之生長河洲魚蝦
民言之無文理則直建祠畏壘像易蝕鐫石路傍莓生塵
不盡歌謠輿人口清問下逮帝德頻

渡汜水

國朝

許勉燉

汜水知縣

朝來策馬汜水東水聲颯颯起悲風前逼虎牢插天立中
有一線羊腸通曾憶當年隋失鹿紛紛角逐於英雄函關
出兵興問罪東都束馬烏困籠蠟書問道走河北盡驅精
銳櫻銛鋒一旅偏師先扼險兩軍隔水語從容須臾文皇

馬鐵騎左衝右拒褒鄂公捲旆疾擊繞陣後橫行如入無
人中回首可憐二十萬血濺流波徹底紅今日檻車俘建
德明日輿櫬降世充嗟乃智勇真天授二孽齊收一戰功
塵灰累劫成千載剗削重關壁壘空吾生願不見兵革來
往周原禾黍豐

徽王故宮

國朝

劉光祺

鈞陽春風桃李陌桃花殷殷李花白花開花落杜鵑啼飛
入故宮啼血赤故宮昔日競繁華碧瓦朱甍帝子家一時
宮女顏如玉絕勝春來桃李花鴛鴦合住黃金殿行遊或
在鞦韆院日暮笙歌繞畫梁夜深宛轉插金鈿如許繁華
樂事多猶言傾國不如他非關粉黛無顏色見慣尋常奈

若何誰家女郎年十五雲鬢霧鬢能歌舞盈盈新月畫眉
頭南陌羅敷奚足數君王道是洛川神奪置深宮第一人
本擬同心托連理不言嬌小怯橫陳辭恩涕淚君王怒恃
力驕矜渾不顧須臾薄命向重泉佳人難得夫何故上書
告許銅龍門天子震怒臨前軒國法那肯貸親貴緹騎東
西紛逐奔詔書尺一甚迫急出宮恐怖入宮泣妃妾纍纍
相對殉百年魂斷嗟安及昔時帶礪恃宗盟轉瞬豪奢一
且傾無復娉婷藏艷質幾曾簫管奏新聲可憐臺榭荆榛
圯可憐全盛紅顏子白楊風起北邙塵自古王侯盡如此
我來憑吊有餘哀滿眼繁華安在哉蕪城雨色悲邱壠梁
苑春深沒草萊不及陌頭桃李色年年開落無休息看花
一倍惜春工朝出城南暮城北歸來却到故宮傍杜鵑啼
處月蒼涼更逢清笛悠悠發不是此聲亦斷腸

丁健兒歌

國朝吳振周

健兒遼人也各有材昔為滿帥部曲晉寇偏鄴戰於城西之橫水深入援其長獨戰無繼遂死之予往識其人聞其死甚烈感為作歌

腥塵四合鼓聲死血溜刀紋滑似水鬼膽諸兒縮項逃獨
盤一騎當堅壘賊甲如山薙如草紛紛鏃下輪肝腦圓月
弓鳴走餓鴟南指倏看西騎倒那堪矢盡絃亦絕馬蹶僵
尸刃多缺自將頸血染模糊悍氣觸天天欲裂官家養士
二百年跛鼈癡蠅不可前爭得如君死鞍馬咄哉裹革心
何堅

賦得嵩山為比隣

國朝 耿介

我生嵩山下荏苒六十春始而流離瑣尾之艱辛既而宦
 海風波之浮沉繼而疾病藥餌之侵尋邇來結廬嵩山麓
 得與嵩山為比隣朝夕相與情最真我去兮山黯澹我來
 兮山精神二十四峯峯峯秀環列皆我之同人有時風氣
 正氤氳有時谷口多閒雲有時清風響萬籟有時晚霞對
 夕曛有時皓月映虛巖有時積雪戴層岑有樹兮巢白鶴
 有水兮游素鱗客至今兮澄泉可煮布席兮綠莎成茵溪邊
 可以談道石上可以垂綸丹崖碧澗幽壑深林不論早暮
 不擇晴陰不拘寒暑不分主賓磅礴終日相對忘言而莫
 逆於心其端方正直之槩特立不撓儼然示我以行道先
 立身而長育羣彙萬物欣欣又隱然示我以造化生物之
 仁我豈樂山而得山之性情兮相與或默或語或往或來
 而或屈或伸抑優游養拙木石為侶兮麋鹿為羣自同于
 聖世之逸民恐後來者嘆問津之無路兮聊以此詩持贈
 君

漢栢行

國朝 焦欽寵

君不見天封觀裏有古栢森森鼎立嵩之宅仙蹕曾經漢
 武封至今將軍留勝跡參天拔地老龍鱗枝如虬舞根如
 石擎雲攫雨飽風霜滄海桑田翻朝夕上翔翩翩之元鶴
 下埋礪礪之琥珀疑是神鬼之所呵護造化之所秘惜不
 然雲臺麟閣安在哉獨餘將軍挺立而不回重為告曰栢

兮栢兮爾負堅剛正直之奇才貞心勁節壯猷雄列胡不
乘時利用於廟廊之上而乃盤根錯節乎嵩邱長蒿萊使
人俯仰千古兮重徘徊

挽尙烈女

國朝 竇可權

百年之內兩烈女趙女旣沒尙女起兄曰尙邦才生長萬
北里幼字唐七郎未嫁郎已死郎死阿母存熒熒垂白矣
衰經入唐門晨昏多艱辛努力奉姑嫜節義動里隣七有
嫡母兄貪婪莫與倫謀欲吞七產骨月起荆榛誣語控諸
官官謂女節醇苞苴行不已始信錢通神酷吏拷邦才勒
令同女還邦才見阿妹撫膺淚如弦本欲全汝節何意官
得錢吾且入公署少間同我還逼迫有官長行止那自尋

阿妹聞兄語氣結不能言腸中如膏煎吞聲復唯唯兄且
加盤饘從此不相累少間當同還給兄出唐門仰天涕泗
漣姑年如朝露中道相棄捐著我縞素衣是我來時穿佩
我白玉環用以表貞堅蓋棺論乃定魂去屍長眠舉手投
繯死瞑目歸黃泉日月忽躡黯悲風動九乾童稚皆爲裂
行人詈道邊邦才聞妹死慟哭訟綿綿唐氏乃股慄奠金
以自全十年訟不解家產已蕩然本欲吞七產反致無遺
田本欲誣尙女反致身後愆或言女含恨厲鬼宜相纏賢
媛豈厲鬼天地自無偏河內彈丸地兩烈相後先趙女會
有何文定迄今世宗之什皎如霽日之經天尙女蓋棺六
十載名幾湮沒而不傳比部蕭子修郡乘椽筆淋漓書其

賢嗚呼安得德位有如文定者致使尙女姓氏達帝前

打虎兒

國朝 陳鳴臯

朱四兒年十歲隨父業樵一日奪其父於虎口以歸或信或疑太守於慢為虎召而試之則駭而趨走毛子大可曰其時惟知有父故不知為虎也太守旌其孝余既領毛子說且將以告為人臣子而猝有君父之難者目無虎斯堂有父矣不然駭而趨走何有於真偽之間哉聞我坦途又其餘爾

深山猛虎搖白額月黑磨牙風烈烈潛伏莽蒼意貪餐草
色荒荒辨不得老樵自昔慣採山不問山白山路黑夜半
呼兒起着衣兒年十歲眠方熟破被擁頭屢欠伸腰斧俟
久怒聲急兒走呼爹摩睡眼追逐空林踏落葉曉霜凜凜
山骨冷初日拂拂石稜赤蒼茫纔經淺草叢龍鍾已逼猛
虎腋猛虎得食慰虎佞攫人蹲踞惜氣力颯颯變色山鬼
號顧盼欲紅怒目側兒惟見父不見虎挺掣飛電走霹靂
奮迅一擊天地寒努力挺折虎流血竄林木兮死邱垤父
幸生還淚幾拭秦鹿魄失博浪椎當年空使副車折河水
潛行聞老龜一驟何惜水中沒君不見豺狼處處坐荆棘
當路噬齧人骨白安得壯士一如打虎兒掃除畏途海甸
帖嗚呼掃除畏途海甸帖

劉將軍歌

國朝 錢廷文 淮寧

將軍二十卽從軍南國山川多陣雲短衣匹馬行千里少
年慷慨輕生死五嶺風高殺氣迴三江日落兵聲起甲冑
沾汗生蟣蝨肌膚流血成瘡痂 天威凌厲下滇南將軍
躍馬碧雞關邊庭瘴霧開六詔元戎旌麾震百蠻手援枯

藤升峭壁身隨怪獸出荒山平生膂力何辛苦且喜一官
還故土昔去中原長蒺藜今來戰地收禾黍擊劍雄心動
鬼神據鞍猛氣凌風雨一朝絕口不論兵天長海濶是蠻
城秋風日日春新穀熟食年年掃舊塋黠鼠無聲齧囊韉
故人有意欸柴荆白頭未見封侯日叩缶空歌老將行

明西華令劉公伯驂祠墓歌

國朝 鄭 廉

君不見劉侯忠節貫白日浩氣直與嵩華敵八紘旣坼鼉
柱傾鳴呼獨煉補天石崇禎十四十五年封豕長蛇繞澗
遷獨眼賊子最桀黠譬如巨鯨戲浪浪蹴天中原諸郡縣
囚首相駢連朱仙健兒化爲魚然後大梁宮殿冷秋烟當
時何人擁節旄公方崑崙試牛刀黑雲壓城鼓聲死仰面

天天何高按劍太息鬚盡張父老左右牽衣裳公謂城
破孤臣耻冠帶從容辭天子此身那肯辱賊鋒七尺騰躍
滄波裏豈効溝瀆小丈夫孤臣自誓心如水至今二十七
年中天陰月黑起悲風箕人負土成高墳墳邊翠竹蔭長
松松如我公鴻名之壽世竹如我公勁節之摩空誰知令
子更軼羣仙源百里頌神君鳳雛不改丹山色驥子依然
五花文歲時省墓赴西華杖履追隨映朱霞禮成天地忽
豔驟觀者如堵共咨嗟箕人曰公吾公鹿人亦曰吾太公
我公之厚澤深仁併幪乎兩邑顧無數椽之室半畝之宮
藏俎豆而繪聲容相將城外選平陸箕人經始鹿人築何
所取材問奚斯北山之石南山木斧斤削斲幾何時忽見

續河南通志 卷之七十一
丹青照山谷月臨戶牖響踈鐘雲起几筵搖畫燭千秋萬
歲此蒸嘗神來還救蒼生哭

青要山行

國朝 呂履恒

黃河南岸臨山巔青要名山山經傳亂石驚濤一綫路羣
峯東走如飛仙是維上帝之都會胡爲乎陰陽轆轤爭天
權亭午不能見日月魑魅晝行無人煙其下蒙茸裏人足
其上豺虎摩人肩我欲杖策闢此道手無斧柯心茫然巖
前松栢鬱不發奇峯麗石皆淪沒不見黃花赤實仙但見
荒煙古戍天寥濶南村有吏橫索錢手弓步畝量石田僕
夫恐懼趨馬還波聲漸小鳴潺湲嗚呼何時比屋安眠無
吏過使我登山臨水開心顏

行經杞縣弔劉文烈公

國朝 呂履恒

杞縣城邊日將夕天寒野曠悲行役此邦文獻昔有人劉
公文烈古高稷平生浩氣堪補天一代文章久華國有明
末葉多氛埃士氣奄奄若死灰闔黨薰天盛氣燄玩弄薦
紳如嬰孩端帝龍飛起信邸城狐社鼠皆摧頽深宮夢寐
畏良弼臨軒發策親畫裁忽有光芒生萬丈至尊執卷龍
顏開賜臣理順居第一宮衣燦爛雲錦堆是日重瞳喜無
寐笑謂英皇得異才漢家歷數遘陽九鐵甕金城誰與守
龍去鼎湖不可攀玉埋湘水空成阜詞臣無力挽天河身
殉重泉隨我后臣死君兮妻死夫事傳青史美何如欲尋
遺塚天昏黑擊柝城頭片月孤

吳公堤

國朝 陳大琰

沙流逶迤清且長上溯魯山下淮陽中間滙合褚水滄更
 合汴流勢益張歲在甲辰苦淋浪黃波怒號決宣房南來
 澎湃擬懷襄濁浪滔天勢莫當碣磴不辨河與潢南堤蟻
 穴幾汪洋欲開不開民倉惶大聲疾呼舉國狂賴有邑侯
 吳錢塘乍聞瞿然驚且傷單騎疾馳危堤傍指撝堵築披
 星霜經旬勞瘁心徬徨歸然獨峙如山岡百川東之障一
 方登民衽席固金湯羣黎歡呼誦鏘鏘為勒貞珉鉅道旁
 堤名吳公誌不忘嗟乎軼卓魯駕龔黃公等召伯堤甘棠
 後先千古相頌頌

鳳凰臺

在商水縣黃霸守
潁川時鳳巢於此

國朝 崔應階

麒麟遊苑囿鳳凰巢阿閣聖王出御世飛遊同燕雀在昔
 黃霸守潁川政尚寬和教養先孝弟力田日以衆桑麻滿
 野蒲鞭縣治行稱為天下最天子下詔褒其賢特賜車蓋
 高一丈車緹油屏泥於前是時漢主好祥瑞鳳凰神爵紛
 聯翩所在郡國皆數集潁川尤多寧偶然仁厚之名何怪
 哉胡為鷓雀敵舍來京兆張郎畫眉罷爰藉封事彈鹽梅
 一青不以掩大德次公長者何嫌猜竊恐郡國所稱鳳凰
 並神爵未必不與鷓雀同胚胎鳳兮鳳兮聽我語我無治
 績如公才我有竹實為爾食我有高梧為爾栽我能作歌
 稱爾德我能吹簫招爾回鳳兮鳳兮胡不來使我含愁日
 暮登空臺

續通志卷之十一
火燒店弔故明太子少保總督三邊忠壯傅公宗龍

國朝 崔應階

有明之末國運否中原鼎沸妖氛起女妨夜織男妨耕旱
蝗兵燹無窮已老填溝壑壯者逃四海無人憐赤子是時
文官竊恐多愛錢武官未必不惜死養成流寇不知除縱
令弄兵潢池裏殺虜無厭四野虛雞犬絕聲城郭圯伊誰
遺爾君父憂一二孤臣那堪理傅公總制東出關受命專
辨賊闖李軍聲赫赫自西來誓須朝食先滅此是役從事
者為誰人龍國奇文岳耳師次新蔡與保督楊文岳兵會
賀人龍李國奇將秦兵虎大威
將保結橋欲趨水上軍五日畢渡來項城黠闖覘知兩軍
至渡水佯驅老弱兵入龍豎子失奇筭遂貪香餌行兼程

我馬既疲人力乏逸勞不敵止為營壁壘未成伏輒起四

面惟聞風鶴聲一擊不勝兩軍潰諸將恇怯皆逃生人龍等俱

奔沈邱傳公收兵火燒店賊尾其後來戰爭圍以三匝殊死

闖環而攻之勢縱橫我軍奮勇鳴大礮賊眾一震魂皆驚

保兵宵潰文岳遁文岳馳奔項城公當賊壘難孤撐矢窮糧絕無

生色日猶殺賊充兵食瘡痍檢剩六千人振臂一呼皆勇

力殺馬烹牛盡犒軍破釜沉舟在此刻夜半勒兵趨敵營

飲刃迎鋒呼殺賊聲撼山岳陣雲昏氣衝霄漢月為黑積

屍流血滿荒原眾寡既殊臣力竭突圍欲去保孤城豺狼

塞路難飛越賊子得志獲將軍罵賊聲雄怒衝髮忽報前

軍落大星忠魂竟與星同沒至今功烈著旂常浩氣千秋

凌日月

漢栢

國朝 桑調元


元氣盤鬱嵩之陽有栢離立參天長問年直在彭聃上
 劉何足論興亡一株鐵幹蟠蒼昊蒼皮鱗皴白骨老東頭
 飛柯百尺枯巨斧斫斷虬龍爪佳哉生氣何婆娑枝條翦
 蔚形嵯峨半人喜得習鑿齒全人凝視哀駘它其一磅礫
 更奇絕周遭七圍薛皮裂輪囷空腹雷火燒風雨濤奔穿
 洞穴是中廓落可容人盤根不動何嶙峋空明豁達透日
 月正直昂藏驚鬼神古來英君稱漢武封禪會經過中土
 猥加封號大將軍千載猶錄羣芳譜通天臺上祈仙靈金
 盤承露凌高旻劉郎亦是秋風客茂陵松栢摧為薪巍然

此樹形模久螭篆龍文互轉紐仙宮梵宮幾劫灰人生安
 得如汝壽汝邀天幸更堪論三株僅有兩株存君不見書
 院空階餘石壘當時共拂蒼烟痕

放歌行登峻極峯作

國朝 桑調元

崑崙祖脈青龍從兩戒巖粵爭英雄河山環拱此隩宅崧
 高拔起天當中灑氣呵噓對噴薄離合太少分西東華蓋
 童童赤霄上旒旒瓊瑤垂高空霞氛輝赫照帝所瀛寰萬
 嶺齊朝宗神房白晝起烟霧嵌竇騰湧陽光紅岱衡恒華
 儼列笏天門詖蕩開鴻龍石樓千尋駕紫翠丹梯逕絕風
 雲通菖蒲九節雜瑤草繽紛石上香茸茸神仙慌忽善狡
 獪風袂難把浮邱公漢武登封集靈瑞茂陵烟樹薶蒿蓬



金繩玉檢復自誑若呼萬歲驚愚蒙

今皇睿識高萬古陋彼封禪誇神功稽古典禮時巡狩燔

柴秩祀臨中嵩乘凌周道至峻極飛龍直上第一峯乾

坤磅礴發天藻穹碑鐫鑿厓磨礪野人夙願遍五嶽發

軻此地標遊蹤青鞋布襪便登陟半空巒磴盤孤筇二十

四峯羅鳥底咫尺少室雲嵐重放眼層空周八表齊州極

覽烟濛濛飛光倒影射絕壁日車弭節踰高春芙蓉萬朶

金明滅一披奇觀排心胸默禱神靈毓申甫永贊鴻號熙

無窮烟庭樾館天結構草堂作計栖盧鴻

銅爵臺

國朝商盤

刑餘遺孽曹吉利炎劉火燼窺神器南枝不許夜烏棲大

耳紫髯分鼎勢五官含睇迓靈芸八斗多才賦洛神老子

於茲興不淺銅爵臺藏佳麗人昵昵窻前兒女語賈履分

香淚如雨羣婢無心望墓田上春何處呈歌舞漳水無情

日夜流西園賓客一時休三馬同槽移魏社蕭蕭疑塚成

荒邱

過大梁感明季事有述

國朝嚴遂成

國家無兵又無餉空腹空拳與賊抗雲梯栢臺高於城城

上懸樓屹相向葯烟一綫紅光開地皮倒陷轟雄雷從空

磨盤星迸落血肉狼藉飛灰埃督師丁啟茫茫喪家狗畏

賊如虎背而走按臣嚴雲臨河不敢渡委棄孤城要誰守

城中食盡人食人牛皮皮襖遭割烹鹽池忽生纓絡草拌

續河南通志 卷之十一
入魚米葱油并馬矢尾追手俯拾糞堆中物靡不爭鳩形
鵠貌滿路側白晝陰陰火光黑抵死終無一人降神號鬼
哭呼殺賊賊一再至鋒甚凶刻期肉薄乘我墉三至意態
反閒暇雌伏處女啞以聳黃河天上鞭魚龍嚙堤北入崩
而東城如仰盂水羹沸萬馬蹴踏鳴萬鐘良嶽差高沒至
頂周王何罪瀦其宮人盡擠之窟穴底一切葬具無所庸
賊前閉氣規地脉順勢導與黃河通黃河一通不可塞賊
亦奔逃喪魂魄彫劫百年今漸蘇城之四隅草其宅鏃鋤
掘深二三尺屋脊宛然瓦龜坼下埋金寶未銷泐川媚山
輝一富國

辛酉春春遊風穴寺

國朝茅逸

客裏不知知已誰青山與我原素知驢背馬頭一相見助
我感慨天涯詩我來臨汝訪名勝耳聞風穴幽且奇卧遊
想像歷四月不得一往惟嗟咨今朝晴和天色好春睡未
醒天已曉枝頭百舌呼一聲此際不遊客漸老况逢春事
又闌珊城外落花風欲掃起拉般丈與張兄天假人間去
宜早籃輿紅碾馬蹄香後先笑集垂楊道麥隴過盡秋浪
青翹首白雲山縹緲不識古寺在何所谷口無人遍春草
夾道冥冥老栢攢隨崖屈曲蛟龍蟠或如我輩士失意鬚
眉不展骨相寒胡能若彼聳立者拔地作勢叅雲端峯迴
路轉見玉帶小橋滙水流潺湲舍車繫馬迂迴進午鐘隱
隱來禪關谷裡人家盡穴處如見太古之遺頑彼嫌喚客

續江南通志 卷之十一
鳥饒舌我怪當路石懶殘彼我嫌怪兩無爲動靜各由天
所安少焉不覺已到寺衲子迂入山犬吠爲問客從何處
來笑云我本還丹使昨者一闕沁園春隸書有約奚童寄
同輩無非南國英俱是人中之騏驎久聞泉名大慈佳不
減惠山之第二更欲來參玉版師祇緣久別家園味又聞
有穴當暑涼深不可測包噫氣山僧燒筍飯脫粟飯後竹
爐湯報沸飲之果與常水殊一洗塵中污腸胃茗罷呼童
導客行錦屏翠嵐各指示修篁雖未及蘭亭亦覺猗猗頗
有致攀崖引葛探兩穴古硯凹深是誰誌幾行細字滅難
辨苔長青錢土花翠硯旁卽是小鳳穴以石試之音自異
大穴遙對不得遊我欲御之洽洽至隔嶺忽聞絃索鳴琵琶

琵琶和瑟夾秦箏因聲逐響覓其跡喜見懸溜如珠傾更向
觀風亭上望汝墳突兀來孤城空峒似拳箕山小千家烟
樹羅前楹嵩山咫尺不可接洗耳若帶松風清病夫苦無
濟勝具眼前山水何由經徒嗟古人去不返希夷辨叔因
牽情洞合陰火一抔冷空將文句留虛名覽勝未已起悲
悼懷古每每令心驚雲門故國負奇蹟千巖萬壑意中青
山陰道上歸不得華髮種種天涯生山頭斜陽又西墮僕
夫催駕不可停奚從學取長房術縮盡江南江北程

經平臺故址

國朝 湯然

一聲牧笛風中來勸君莫上梁王臺鄒陽幾向獄中死未
必梁王解愛才野田漠漠寒鴉聚衰草連天辨何處漫言

授簡續文園古雪蒼茫落高樹

昇仙臺歌用少陵元都壇韻

國朝 查岐昌

蒼茫不見陰靈峯長堤橫亘稱猶龍當年騎牛出函谷遙
瞻紫氣於誰屋昇仙之蹟遺古壇荒郊無人清晝寒漁舟
遠岸渚蘆亂翠栢夾路雲濤翻九丹八石試談往螭缺碑
殘藤蘚長曾窺道德五千言谷神養拙神飛爽

大梁霖雨吟

國朝 馬士琪 祥符

濕雲壓風風無力白日茫茫光閉塞老龍怒吸江水渾三
春霖霖足三月蛟龍得志走高堤濤翻浪湧墜天低大河
南北皆澤國郊原一望沒田畦梁園改革稱貧蹙比戶曾
無三斗穀春麥秋禾委巨波并烟處處聞啼哭哭之淚盡

繼以血有司敲扑還摧裂憂國惟知督賦租餓莩誰慮靡
遺子吁嗟吁嗟真可哀驅車無計鬻嬰孩一女千錢男五
百逢人便售敢求益兒女悲號不肯行阿母含愁伴加責
兒去母孤悲不止強持兒價糶珠米無何米盡更思兒將
身潛繫綠楊裏早知兒失母難存悔不當時一處死我聞
此語心痛酸監門思得鄭公官救民重繪當年像多恐
君王不忍看 君王仁聖真無極蠲賦恒逾千萬億減膳
徹樂憂思殷蓬萊殿上無顏色安得彼蒼施高厚電雷倏
易為星斗陰陽和變兩無乖永令斯民歌大有

周元福

國朝 陳 浦

元福商城王御吏家僕也崇禎末季流寇屠戮邑

中豪家子女時御史已歿一子一媳俱罵賊死福
 以已子易御史乳孫同妻負奔荆楚得免後歸田
 產盡失夫婦力作撫孤兒列青衿成家室二十餘
 年如一日而福僅一子死於賊竟至無後王氏德
 之請於官祀福夫婦於家祠邑令金陵黎東昂為
 作傳事詳載邑志宣州梅君陸舫為作詩囑余同

賦

秋風吹我過新郡邂逅梅君話風雅手探案上一篇詩讀
 之愴然淚橫灑由來節義感人深節義由人不擇人斯人
 斯事君知否嬰杵曾教共一身嬰杵者誰周元福流落役
 充王氏僕王公御史字恬夫世為商邑衣冠族崇禎末季

動烟烽梁園兵火徹宵紅黃河兩岸無雞犬賊之巨魁張

獻忠到處殺人屍盈野屍作馬槽血飲馬商邑堅持子弟

兵城中豪家子弟斗大山城攻不下却乘賊隙更用奇擒

其愛妾磔妾屍賊眾狂呼併死力夜半孤城遂不支乘間

賊愛妾磔之賊怒併力環攻城遂陷挾仇戮盡豪家子御史長君罵賊死閨

人亦是女中豪三寸鸞刀頸血紫一綫惟留七歲孤倉皇

之際託義奴義奴夫婦負之走更有親生哺乳雛前途遇

賊行賊令向奴索兒鬻白刃義奴抵死護孤兒刃傷左臂

力已罄情急智生大義存詎指乳雛御史孫賊殺乳雛血

刃去吞聲朝夜向南奔南奔歷盡流離苦賣餅資生寄荆

楚亂世誰憐避亂人草間相泣淚如雨叢生荆棘舊門墻

狼狽歸來益斷腸頽梁那復春棲燕廢甃偏多夜叫蛩忍
 就荒涼葺蓬華無主田園多散失百計經營二十年撫孤
 讀書成家室老奴力憊卸重肩老奴含笑入重泉可憐義
 士竟無後山根雙塚冷荒烟僕報主人義盡矣主人報僕
 恩茲始大令黎公爲作銘附配家祠享禋祀嗚呼義士之
 義世無多義士之名自不磨當時竟有難言事聞風不愧

奈伊何

謂黃靖南標下
人與元福同鄉

續河南通志卷之七十二終

文正丁卯

